

Elohim Openbaar die Tafel van die Bruilofsfees van die Lam

Roy Sauzek vertel: “Toe Elohim vir my begin leer het oor die Bruilof van die Lam, was een van die dinge wat Hy my geleer het, die bankettafel. Ek gee hier onder ’n voorbeeld van wat ek gesien het, maar dit kan nie deur


die mens gedupliseer word nie, so fantasties was dit. Daar was ook ’n verhoog en meer op die tafel as wat hier uitgebeeld word.

Vir jare daarna het ek van die tafel as ’n glas tafel gepraat, sonder ’n (wit) tafelkleed, dus was niks versteek nie. Ek het gereken dat gesuiwerde mense daar moet sit. Later, as gevolg van sekere gebeure, sommige Bybelse openbarings en die Korporatiewe Vloeidiagram (sien *Meganika van hoe die Heilige Gees Leer en Lei*), was ek redelik seker dat die tafel nie van glas is nie, maar van gesuiwerde, deursigtige goud! Dit behels die tafel en alles daarop, behalwe die silwerware. Hierdie tafel verteenwoordig sekerlik ’n groot suiwering van uitverkorenes deur Elohim.



Sagaria 13:9 Dan sal Ek die derde deel in die vuur bring en hulle smelt soos ’n mens silwer smelt en hulle toets soos ’n mens goud toets. Hulle sal my Naam aanroep, en Ek sal hulle verhoor. Ek sê: Dit is my volk! En hulle sal sê: YHWH, my Elohim!

Let op dat dit Elohim self is wat (slegs) ’n derde van Sy mense afsonder en deur die vuur bring. Hy is in beheer! Toe Elohim ons groep bymekaar gebring het, het Hy ons van verkeerde weë en lerings begin reinig. Silwer het in die Korporatiewe Vloeidiagram verskyn. As ons ’n algemene prent van die Korporatiewe Vloeidiagram oor die jare bekyk, sien ons silwer aan die begin, dan ’n mengsel van silwer en goud en dan goud. Suiwer silwer en goud het betrekking op die verwydering van onsuierhede deur Elohim se oordeel oor Sy mense. Jy sal aan bogenoemde voorbeeld opmerk dat die mense net aan die een kant van die tafel sit.




Die Heilige Gees het vir my die banketvertrek se uitleg gewys en ek het 'n prent saamgestel van bo af gesien. Uit hierdie prent kan jy aflei waarom ek gewys was dat mense slegs aan die een kant van die tafel sou sit. Daardeur kan jy sien dat die vergadering nie 'n sosiale geleentheid is nie, maar 'n tyd van regering; 'n tyd om op Yeshua gefokus te wees, om uit te vind wat op Sy verhoog (agenda) is en om na Hom te luister vir opdragte! Dit is Sy vergadering, nie ons s'n nie!

Ons moet ook die verhoogsimbool ontleed deur te sien wat Elohim daaroor openbaar het om meer beligting oor hierdie prent van die banket se uitleg te verkry. In 1991, toe die visioen oor Rusland bewaarheid is deur die Sovjet Unie se ontbinding, het Yeshua vir my gesê: **“Ek stel die ‘Eindtyd-verhoog’ op vir eindtydgebeure.”** Dit wys dat Elohim verantwoordelik was vir die val van die USSR en dat eindtydgebeure op Sy verhoog (agenda) is.



Die verhoog openbaar wat Elohim besig is om te doen, op die punt staan om te doen, of wat Hy gedoen wil hê. Toe ek die verhoog in die Hemel gesien het, was alles op die verhoog en af van die verhoog af, op die troon van Elohim gefokus. Dit word juis aangedui deur die struktuur van die banket met die mense wat in een rigting kyk – na die verhoog.

27 Oktober 2000



Die verhoog in die Hemel was 'n parabool vorm, wat ook 'n beeld is van alles wat op die troon aan die agterkant van die verhoog gefokus word. In die Wit Perd visioen wat ek gehad het, sien ons dat Yeshua en Sy Wit Perd op die verhoog was en toe aarde toe


gekom het, wat beteken dat alles wat die Wit Perd en Yeshua die Messias verteenwoordig, nou op Elohim se agenda (die verhoog) is en op aarde uitgevoer word.

In die skrywe 'Die Silwer Man', sal jy lees dat die Silwer Man op 'n verhoog gekom het, by 'n preekstoel gaan staan en gesê het, "Hier is wat ons gaan doen..."




Yeshua het toe begin om ons deur verskeie gebeure te vat om ons te leer en om mense te verwyder wat nie gehoorsaam was aan wat Hy openbaar het nie. Al hierdie spesifieke gebeure was op die verhoog (Vader se agenda in hul lewens op daardie tydstip). Dus sien ons die belangrikheid van om te weet wat op Elohim se verhoog is. Dit het te make met wat Hy besig is om te doen. Sy agenda.

Dit bring ons terug na wat op die verhoog gebeur gedurende die banket. Elohim is die enigste een wat weet en inderwaarheid kan dit enigiets wees! Is Vader se agenda nasionaal, wêreldwyd, of het dit iets te doen met die liggaam wat voor Hom vergader is? Hoe ook al, dit is vir Hom belangrik op daardie oomblik. Dit is waarom ons fokus op Hom moet wees regdeur die banket en ons moet luister, luister en luister.



Daar is geen ritueel van enige aard nie en ek sê dit om 'n rede. Ek het vir Yeshua spesifiek daarvoor gevra. Die Heilige Gees het vir my 'n naggesig gegee rondom 'n ritualistiese gemeente wat 'n troeteldier gehad het wat moes sterf en begrawe word. Die leier van die gemeente was die een wat die troeteldier moes begrawe. Hy het geweet dat dit sou stink as dit nie begrawe was nie, maar daar was geen plek om dit te begrawe nie! Alles was van beton en baksteenmure in die hele area. Die beton en baksteenmure wys hoe gebonde ons as mense kan wees met rituele en tradisies.

Yeshua het vir ons oor die jare op baie verskillende maniere laat nagmaal hou (wat die gewone tradisies verbreek het), altyd vir Sy doeleindes, terwyl Hy vir ons iets geleer of geïllustreer het. Yeshua het prente gegee sodat ons kan verstaan, laat ons dus weer kyk na die deursigtige bankettafel.



Openbaring 21:21 *En die twaalf poorte was twaalf pêrels; elkeen van die poorte was uit een pêrel, en die straat van die stad was suiwer goud soos deurskynende glas.*

Kan daar enige twyfel wees dat hierdie simboliese tafel suiwer goud is? Die silwer en die deursigtigheid van suiwer goud skilder beslis 'n prent van 'n intense suiwering, deur Yeshua self uitgevoer volgens Sy standaard. Die deursigtigheid beeld duidelik uit dat niks versteek is nie, asook die erns daarvan om onself te laat suiwer. By die *Bruilofsfees van die Lam* eet die getroude Bruid aan hierdie spesifieke tafel, maar doen die gaste of die wat tydens die bruilof bedien, dit nie ook nie? Die tafel is simbolies en dit blyk, deur na die banketuitleg te kyk, dat 'n persoon wat nie op die verhoog, of op Yeshua gefokus is nie, nie aan Sy tafel sit nie. Is soiets moontlik? Ja! Dit word geopenbaar in die *Gelykenis van die Bruilofsfees*.

Daar was baie drome en gesigte ontvang wat insig verskaf oor die *Bruilofsfees van die Lam*. Ons moet besef dat die bruilof van die Lam en die vleklose bruid 'n grootse gebeurtenis is in die *Koninkryk van Elohim* op aarde. Dit is 'n grootse gebeurtenis wat die Hemel en toekomstige dinge affekteer. Dit is waarom ons bly moet wees en juig dat die bruilof aangebreek het!!

Openbaring 19:7 Laat ons bly wees en ons verheug en aan Hom die heerlijkheid gee, want die bruilof van die Lam het gekom en sy vrou het haar gereed gemaak. 8. *En aan haar is gegee om bekleed te wees met rein en blink fyn linne, want die fyn linne is die regverdige dade van die heiliges.* 9 *Toe sê hy vir my: Skryf salig is die wat genooi is na die bruilofsfees van die Lam.* En hy sê vir my: *Dit is die waaragtige woorde van Elohim.*

Die wêreld behoort te juig! “Laat ons” beteken dat gelowiges behoort te juig. Vader sê: “Salig is die wat genooi is na die bruilofsfees van die Lam.” Wie is hierdie genooide mense? Is hulle dié wat die bruilofseremonie bywoon? Is hulle die gaste? Een ding is seker, dit maak nie saak wie hulle is, of watter doel hulle dien nie, hulle is geseënd, want Elohim sê hul is! 9 *Toe sê hy vir my: Skryf salig is die wat genooi is na die bruilofsfees van die Lam.* Of jy 'n gas is, of deel van die Bruid, jy is geseënd, want jy is genooi!

Om eerlik te wees het ek voorheen nie juis belanggestel in die Bruilof van die Lam nie en het nie gedink dat enigiemand veel daarvan geweet het nie, totdat Yeshua vir my gesê het: **“Jy mag dit dalk nie maak nie!”**

Hy het vir my geleer dat die Bruilof hier op aarde plaasvind en dat mense op straat by die Bruid sal verbyloop en dit nie eens weet nie! Al hierdie dinge, insluitend drome en gesigte oor hierdie saak, laat mens besef dat die gelykenis van die bruilofsfees baie meer openbaar as wat ons ons ooit kon verbeeld! Kom ons deel 'n paar gedagtes.

Ek het die gelykenis van die bruilofsfees aan die einde van hierdie artikel geplaas en jy kan daarna verwys soos jy goeie dink. Die gelykenis handel nie werklik oor die regte bruid nie en dit sal die beste wees vir begrip van die toneel soos deur die gelykenis geskets, om aan die bruid as vooraf bestaande te dink. Dit is omdat sy haarself gereinig het en ontslae geraak het van haar vlekke, dat die bruilof enigsins kan plaasvind. Geen *Vleklose Bruid* – geen Bruilofsfees.

Die Bruid en die Gaste is nie dieselfde mense nie. Wat wonderlik is, is dat die gaste dieselfde voedsel en feestelikhede as die Bruid mag geniet. Die gelykenis openbaar dat Vader die voedsel verskaf en dat die gaste Sy voedsel kan eet omdat die Bruid gemanifesteer het en die tyd van die *Bruilof van die Lam* dan aangebreek het!

Die Bruid het 'n intimiteit met Yeshua wat die gaste nie het nie. In die groter prent is daar natuurlik baie meer gaste as die mense wat die Bruid vorm! Deur die jare het ek vir mense gevra of hulle deel van die Bruid wou wees en of hul gaste wou wees. Sommige het gesê dat hulle deel van die Bruid wil wees en ander het gesê dat hul eerder gaste wou wees. Die rede is dat baie mense nie kans sien vir wat die Bruid moet deurgaang om die getroude Bruid te kan word nie.

Die gaste kom nie na die Bruilofsfees om te trou of deel van die getroude Bruid te wees nie. Yeshua het vir my verskeie kere gewys dat die gaste kaartjies nodig het om by die fees te mag ingaan en daardie kaartjies moet ontleed word of hulle kwalifiseer. Ons moet begryp dat ook die gaste moet voldoen aan Elohim se vereistes om gaste te mag wees!

Mattheus 22:11,12 *En toe die koning ingaan om na die gaste te kyk, sien hy daar iemand wat nie 'n bruilofskleed aan het nie. En hy sê vir hom: Vriend, hoe het jy hier ingekom sonder 'n bruilofskleed aan? En hy kon geen woord sê nie.*

Hierdie bruilofskleed vir die gaste is nie die kleed van die Bruid van die Messias nie, maar moet nogtans geskik wees vir die bruilof.

Klere verteenwoordig ons dade; die Bruid se kleed verteenwoordig haar dade; die klere van 'n hoer verteenwoordig haar dade.

Elohim het openbaar dat die gas nie behoorlik geklee was (onaanvaarbare dade) volgens Sy standaarde nie. Hierdie gas was nie oningelig oor wat die bruilofsfees was nie. Hy het geweet en het gedink hy is geskik soos blyk uit: *En hy kon geen woord sê nie.* (Die King James lees: *And he was speechless*) Ons sien dus dat hy nie wou weet nie of werklik nie geweet het hoe om in die korrekte aksies te wandel nie. Elohim lewer 'n oordeel:

Matteus 22:13,14 *Toe sê die koning vir sy dienaars: Bind sy hande en voete, neem hom weg en werp hom in die buitenste duisternis. Daar sal geween wees en gekners van die tande. Want baie is geroep, maar min uitverkies.*


Hier sien ons dat baie geroep geword, maar min word uitverkies, wat weer eens openbaar dat daar vereistes deur Elohim gestel word om 'n gas te kan wees. Hierdie spesifieke gas het nie aan die vereistes voldoen nie, as gevolg van sy dade (in sy alledaagse lewe) voor die fees. (Ons word nie tydens die fees geklee nie, maar voor die fees.)

Vader het die man laat verwyder. Geen genade hier nie, al het Hy die man “vriend” genoem. (Moses was 'n vriend van YHWH, maar toe hy ongehoorsaam was en die rots slaan in stede van daarmee te praat, was hy nie toegelaat om die Beloofde Land in te gaan nie.) Geen genade hier ook nie. (Ek behandel hierdie sodat ons die erns kan sien van regeringsake in Elohim se Koninkryk.)

Ons moet begryp dat daar voorvereistes is om 'n gas, of om deel van die fisiese getroude Bruid te wees. Daar is voorvereistes om goue vergaderings te hou. Hierdie voorvereistes en grense moet deur Elohim aan ons geleer word en dan moet ons hulle voortdurend nakom om suksesvol met Hom te kan wandel. Dis dinge waarby ons moet ingroei sodat dit deel van ons kan word.

Ons moet verstaan dat in Vader se Koninkryk (hemelse dimensie) is Yeshua die Koning en Heerser. Yeshua is ook die President van elke Goue Vergadering, van die begin tot die einde. As ons kyk na die skets van

die vergadering, kan jy jou voorstel hoe 'n persoon wat die vertrek binnetree met sy eie tradisies en rituele, die aandag sou aftrek van die verhoog en dus van Elohim se agenda af? Die hele vergadering sou 'n rigting inslaan wat dit nie veronderstel was nie.




Die getroude Bruid moet Yeshua se belange behartig terwyl sy hierdie aarde bewandel. Elke vergadering wat sy as 'n korporatiewe liggaam hou, moet hierdie simboliese vloerplan of opset hê. Op hierdie wyse behoort ons altyd Yeshua se agenda te kan vind. Hierdie vergaderings-vloerplan (deur Yeshua gegee met die *Rivier van Lewe* langs) word volgens die identiese vloerplan in die hemel uiteengesit as deel van "Laat U wil geskied, soos in die Hemel, so ook op die aarde."

In die laaste feesvergadering wat ons as 'n Korporatiewe Liggaam gehad het, het ons niks gedoen behalwe om te luister totdat ons opdragte van Yeshua gekry het nie. Ons moes eers verneem wat Hy beplan het vir daardie spesifieke vergadering.

Die gelykenis van die bruilofsfees:

Mat 22:1 En Yeshua het weer deur gelykenisse met hulle begin spreek en gesê: 2 *Die koninkryk van die hemele is soos 'n koning wat 'n bruilof vir sy seun berei het* 3 *en sy diensknegte uitgestuur het om die genooies na die bruilof te roep, en hulle wou nie kom nie.* 4 *Weer het hy ander diensknegte uitgestuur met die boodskap: Sê vir die genooies: Kyk, my maaltyd het ek berei, my beeste en vetgemaakte vee is geslag en alles is gereed. Kom na die bruilof.* 5 *Maar hulle het hul daaraan nie gesteur nie en weggegaan, een na sy eie stuk land en 'n ander na sy handelsaak.* 6 *En die origes het sy diensknegte gegryp en mishandel en doodgemaak.* 7 *Toe die koning dit hoor, het hy kwaad geword en sy manskappe gestuur en daardie moordenaars omgebring en hulle stad aan die brand gestee.* 8 *Daarop sê hy vir sy diensknegte: Die bruilof is wel gereed, maar die genooies was dit nie werd nie.* 9 *Gaan dan op die kruispaaie en nooi almal wat julle mag vind, na die bruilof.* 10 *En daardie diensknegte het uitgegaan op die paaie en almal versamel wat hulle gevind het, slegtes sowel as goeies, en die bruilofsaal het vol gaste geword.* 11 *En toe die koning ingaan om na die gaste te kyk, sien hy daar iemand wat nie 'n bruilofskleed aan het nie.* 12 *En hy sê vir hom: Vriend, hoe het jy hier ingekom sonder 'n bruilofskleed aan? En hy kon geen woord sê nie.* 13 *Toe sê die koning vir sy dienaars: Bind sy hande en voete, neem hom weg en werp hom in die buitenste duisternis. Daar sal geweens wees en gekners van die tande.* 14 *Want baie is geroep, maar min uitverkies.*



Die Eerste Bruilofsfees van die Lam!

Twee dinge moet dadelik genoem word:

Eerstens: Dat die *Bruilofsfees van die Lam* eintlik 'n *Koninkryks-vergadering* is waar Yeshua in beheer is. Dit is belangrik om te begryp want geen regering kan sonder vergaderings funksioneer of selfs bestaan nie. Die Koninkryk van Yeshua op aarde is geen uitsondering nie. Hierdie boek sowel as nog twee boeke bevat inligting oor Goue vergaderings wat jy benodig om self aan die gang te kom daarmee.



'n Paar jaar gelede, toe Yeshua met ons gepraat het oor die Eerste *Bruilofsfees van die Lam* het Hy aanhou sê: “Die dieptes daarvan, die dieptes daarvan,” herhaaldelik. Op daardie stadium het ons geen idee gehad waarom Hy dit vir ons gesê het nie.

Op **9 Desember 2007** het Yeshua gesê: “**Ek sal heers uit die diepte**” wat ons almal rede gegee het om oop te wees vir openbaring. Dat Yeshua dit gesê het, het beslis betrekking op waarom Hy gesê het: “**Die Dieptes daarvan, die dieptes daarvan.**”

Tweedens: Dat die *Een Nuwe Mens* wat in Efesiërs 2:15 genoem word, belangrik is om te begryp en dat dit te doen het met die *Bruid van die Messias*. Die voorafgaande was nodig om te belig wat Vader besig was om ons, as 'n vrou vir sy Seun, te leer met betrekking tot vergadering-protokol. Die visioen het te make met die twee stukke hout wat een word in Esegieël 37:15-28 en die *Een Nuwe Mens* van Efesiërs 2:14,15:

Want Hy is ons vrede, Hy wat albei een gemaak en die middelmuur van skeiding afgebreek het deurdat Hy in sy vlees die vyandskap tot niet gemaak het, naamlik die wet van geboorte wat in insettinge bestaan; sodat Hy, deur vrede te maak, die twee in Homself tot EEN NUWE MENS kon skep.

Die EEN NUWE MENS (manlik) is nog 'n beeld van die Vleklose Bruid (vroulik) van Yeshua net soos die Gevlekte Liggaam van Yeshua (manlik) nog 'n beeld is van die Hoer (vroulik). Ek is seker dat soos jy lees, hierdie visioen ook vir jou belangrik sal word.

Onthou, Vader is besig om iets voort te bring wat nog nooit op aarde bestaan het nie: **die Getroude Bruid van Yeshua – Die EEN NUWE MENS**. 'n Mede prediker het my geskakel om te sê dat Yeshua vir hom gesê het **dat daar twee Bruilofsfeeste in die Boek van Openbaring is**. Die eerste was klein en het plaasgevind sodat die tweede kon geskied. Dit het vir hom sin gemaak, wetende wat alles by ons groep gebeur het.

Ek het tot **4 Desember 2007** geworstel met hoe om te verduidelik wat Yeshua by ons gedoen het met betrekking tot die eerste *Bruilofsfees van die Lam*.

Dit was toe dat Yeshua vir my gesê het: **“Die eerste Bruilofsfees het die ‘Verhoog opgestel’ vir die tweede.”** Die eerste *Bruilofsfees* het in Elohim 'n spesiale doel gehad!

Jare gelede, toe die visioen van Rusland vervul is met die val van die Sovjet Unie, het Elohim vir my gesê: **“Ek is besig om die ‘Eindtydverhoog’ voor te berei vir eindtydgebeure.”** YHWH het 'n doel gehad met Rusland se val ter voorbereiding van eindtyd gebeure.

In die Artikel, *Ek het 'n Man van Silwer Gesien*, was die *Man van Silwer* op die verhoog. Dit was toe dat Yeshua allerhande inligting oor suiwering en reiniging openbaar het, deur “sake van die Gees”. Hierdie suiwering was besig om vir ons te leer hoe om in Yeshua se Koninkryk te wandel.

Yeshua het aan ons op **9 Oktober 2000** gesê: **“Kom tot orde! Kom tot orde, want Ek soek orde in My gemeente. Ek is Elohim,”** sê Yeshua, **“en Ek soek orde om My doelwitte te bereik...”** Al hierdie inligting oor reiniging het 'n doel by Elohim ter voorbereiding van Sy eindtydgebeure. **“Voorbereiding van die verhoog”** is daarop gemik om dinge in Elohim se orde te bring vir Sy doelwitte, wat insluit om te leer hoe om dinge korrek te doen ter voorbereiding van Sy Vleklose Bruid.

Volgens die instruksies van Yeshua, het die protokol van die *Bruilofsfees van die Lam* by ons in **2005** plaasgevind, ter voorbereiding van toekomstige gebeure, alles vir Elohim se doelwitte. Inderwaarheid was hierdie *Bruilofsfees* 'n teken van Elohim oor wat in die toekoms gaan gebeur. Hierdie *Bruilofsfees protokol* moes plaasvind om meer as een rede: om dit “op aarde te vestig”; dit was geestelike oorlogvoering en dit het die toneel voorberei vir die werklike *Bruilofsfees van die Lam*. Hierdie *Bruilofsfees* was 'n eerstehandse leerervaring sodat Elohim meer kon openbaar oor wat ons moet begryp ter voorbereiding vir die werklike *Bruilofsfees*.

Soos ons al die gebeure beleef het, vooraf, gedurende en agterna, in die fisiese, het die Heilige Gees waarhede aan ons openbaar deur drome, visioene en Woorde. Sodoende werp die Heilige Gees ook lig op die gelykenis van die *Bruilofsfees* en verwante skrifgedeeltes in die Bybel.

Voor ons egter na die rekord van gebeure rondom die eerste *Bruilofsfees van die Lam* kyk, kyk ons na 'n deel van die *Gelykenis van die Bruilofsfees* en die “weë van Elohim” wat dwaasheid vir die vleeslike verstand is. Hierdie prentjie is hoogs belangrik om te verstaan ten opsigte van die eerste *Bruilofsfees van die Lam*. Die “vestiging op aarde” is geestelike oorlogvoering en meer. Jy moet die konsep verstaan, ingeval Yeshua in die toekoms op hierdie manier met julle wil beweeg, individueel of korporatief (as groep).

Die Weë van Elohim

In **Esegiël hoofstuk 4** was die profeet deur YHWH beveel om die stad van Jerusalem op 'n baksteen uit te beeld en om sekere dinge te doen. Lees die hele hoofstuk eers, maar hier is 'n paar verse sodat jy kan sien waaroor dit gaan:

Esegiël 4:1 *En jy, mensekind, neem vir jou 'n baksteen en sit dit voor jou neer, en teken daarop 'n stad, naamlik Jerusalem; 2 maak dan 'n beleëring daarteen en bou forte daarteen en gooi 'n wal daarteen op en stel laers daarteen op en lê stormramme daarteen aan rondom. 3 Verder, neem jy vir jou 'n ysterpan en sit dit as 'n ystermuur tussen jou en die stad; en rig jou aangesig daarop, en dit sal beleër wees, en jy moet dit beleër. 'n Teken is dit vir die huis van Israel. 4 Gaan lê ook op jou linkerkant...*

Esegiël was opdrag gegee deur YHWH om 'n toneel **uit te beeld** van wat Hy wou doen. Dit is baie belangrik om te sien dat hierdie tipe geestelike oorlogvoering altyd deur Vader self na vore gebring word. Ons behoort instruksies so noukeurig as moontlik te volg. In vers drie sê Elohim: “n Teken is dit” en dit is waarom ons gesê het dat die eerste Bruilofsfees, n teken is oor toekomstige gebeure wat deur die hand van Elohim sal plaasvind.

Nog 'n tipe **uitbeelding** (vestiging op aarde) van wat Elohim in die toekoms sou doen, was toe Abraham beveel is om sy seun te offer in **Genesis 22**. Abraham het nie die groter prent begryp nie – hy was bloot gehoorsaam aan Elohim!

Ons weet dit was 'n **tipe** van Elohim se offer van Sy eie Seun, duisende jare later! Moes hierdie twee **uitbeeldings** eers gedoen word voor hulle fisies kon plaasvind? Die antwoord is "ja", as 'n teken, as 'n vestiging en as geestelike oorlogvoering. Een van die redes waarom dit so is, is omdat Elohim aan die mens outoriteit gegee het op aarde. Dit het nie verander nie! Dis wetlik, net soos Yeshua wettig deur die baarmoeder van 'n vrou gekom het, as 'n man in die vlees, om Elohim se Woord te vervul. Dit het te doen met verbond, die sleutels tot Yeshua se Koninkryk! Dit het te doen met die simboliese vestiging op aarde "...so ook in die hemel." Dan manifesteer Elohim dit op aarde.

Mattheus 16:19 *En Ek sal jou die sleutels van die koninkryk van die hemele gee; en wat jy ook op die aarde mag bind, sal in die hemel gebonde wees, en wat jy ook op die aarde mag ontbind, sal in die hemel ontbunde wees.*

As ons Abraham en Esegïel se Godgegewe simboliese **uitbeeldings** by hierdie skrifgedeelte voeg, sien ons 'n prent:



Deur Abraham en Esegïel (mense) se gehoorsaamheid op aarde, is die weg wettiglik voorberei in die hemel vir daardie Godgegewe gebeure om in die toekoms plaas te vind op aarde. Elohim was wettiglik besig om die verhoog op te stel vir daardie toekomstige gebeure, d.m.v. hulle **uitbeelding** deur die mens. Deur een mens (Adam) het sonde ingekom en deur een mens (Yeshua – Elohim gemanifesteer in die vlees), het die weg vir ewige verlossing gekom! **Esegïel en Abraham het (wettiglik) Elohim se vermoë op aarde losgemaak (vrygestel).**

Om te verduidelik: Jare gelede het ek vir Yeshua gesê dat ek enigiets sou doen wat Hy wou hê ek moes doen, as Hy my sou wys wat om te doen. Yeshua het toe, deur 'n ander man se visioen, openbaar dat ek Elohim se vermoë vrygestel het in my lewe. Elohim eer Sy Woord ten opsigte van die mens se wil en die outoriteit wat Hy die mens gegee het op aarde! Dit is alles 'n wetlike saak! Daar is wettige wyses om dinge te doen en die mens kan nie daardie wettige metodes verander nie.

Deur die *Sleutels van die Koninkryk* toe te pas, van die eerste klein bruilofsfees as noodsaaklik vir die tweede, groter een, kry ons dieselfde prent:



Ons kan dus sien dat almal wat deelgeneem het aan die eerste Bruilofsfees, het inderwaarheid (wettiglik) die vermoë van Elohim vrygestel om die tweede, groter (korrekte) *Bruilofsfees van die Lam* op aarde te laat plaasvind.

Hierbo het ek gesê 'korrekte' *Bruilofsfees van die Lam* omdat die eerste een nie heeltemal korrek of letterlik was nie, net soos Esegïel en Abraham se **uitbeeldings** nie letterlik was nie. Voor die **uitbeelding** van die eerste *Bruilofsfees*, het Yeshua reeds vir my 'n visioen in die nag gegee:

Ek het gekyk na wat gelyk het soos 'n reuse vierkantige houtdeur wat plat lê. In die middel was 'n vierkant van glas, maar ek is seker dit was deursigtige, verfynde Goud. Die paartjie wat besig was om te trou het daarop gestaan vir die seremonie. Daar was ander paartjies wat gewag het. In die toneel was dit geopenbaar dat die paartjies huweliksberading sou nodig hê na hulle huwelik.

Vanuit hierdie sinnebeeld het Ek geweet dat almal daarby betrokke baie sou moes leer in die tydperk nadat die eerste *Bruilofsfees* verby was. Dit is duidelik as jy kyk na alles wat ons sedert daardie *Bruilofsfees* geleer het oor vergaderings, stilte, protokol en oorlogvoering.

As ek terugkyk, is dit maklik om te sien dat die eerste *Bruilofsfees van die Lam* plaasgevind het omdat dit op Elohim se kalender tyd was om dit uit te beeld, om sodoende die hemel te beweeg en die werklike manifestasie in die toekoms mee te bring.

Dit moet hier duidelik gemaak word dat Elohim gehoorsame mense korporatief moes bymekaarbring, om die *Bruilofsfees van die Lam* korrek uit te beeld tot watter vlak van akkuraatheid Elohim dit ook al nodig geag het. Daar moes mense wees wie Elohim as deel van Sy Bruid beskou het en diegene wie gaste en dienaars was. Dit was vooraf deur die Heilige Gees openbaar dat daar mense in ons groep was wie Elohim nie wou hê moes Sy *Getroude Bruid uitbeeld* nie. Logika sê dit moes so wees, *of daar sou nie 'n korrekte uitbeelding van die ware Bruilofsfees van die Lam wees nie*.

Toe Elohim met ons begin deel het oor die Eerste Bruilofsfees, het Hy ons ingelig dat ons dit vir die Liggaam van Yeshua gedoen het. Ons het geen idee gehad hoe om dit te doen nie, maar het verstaan dat al wat ons kon doen was om Sy instruksies te volg na die beste van ons vermoëns. Elohim was die aanvuurder vir ons om die *Eerste Bruilofsfees van die Lam* by ons te hou, net soos Hy die aanvuurder was om Jerigo te oorwin. Yeshua het die plan en die tydsberekening van alles wat gedoen moet word; die regering is op Sy skouers!

Volgens Yeshua se leiding was die *Een Nuwe Mens* in New York uitgebeeld tydens die **2005 Fees van die Trompette** samekoms. Paul Jablonowski en Ken Stevenson het ook die *Eerste Bruilofsfees van die Lam* bygewoon.

'n Deel van Paul se weergawe van die vergadering in New York:

“Yeshua het simbolies hierdie boodskap gedemonstreer deur Ken die Judeërs te laat verteenwoordig en Profeet Roy die Heidene. Ken wat lering gee oor die Hebreeuse feeste, het die Israel vlag oor sy skouers gedrapeer. Tydens aanbidding en gebed, was vir Fran Beauchamps in die Gees gewys dat Roy die Amerikaanse vlag oor sy skouers moes drapeer terwyl ek tussen Ken en Roy staan.”

“My posisie tussen die koning en die priester het **intersessie** om die “een nuwe mens” na vore te roep, verteenwoordig, wat die Bruid van Yeshua is, bestaande uit beide Judeërs en Heidene. Terwyl ek tussen hulle gestaan het, het ek vanuit **Efesiërs 2:11-18** gelees, ‘n deel waarvan sê, “Want Hy is ons vrede, Hy wat albei (Juda en heidene) een gemaak [het]... sodat Hy, deur vrede te maak, die twee in Homself tot **EEN NUWE MENS** kon skep.”

“**Esegiël 37** praat van hoe die twee stukke hout van Juda en Efraim se hout een in YHWH se hand word. Hierdie was nog ‘n Woord wat deur die Gees van Elohim voortgebring is deur verskeie onafhanklike bronne by hierdie Vergadering:

...Nog ‘n baie opwindende bevestiging was twee Esegiël 37 plakkaat (hier getoon), wat ek (Paul) omtrent sewe jaar gelede gekoop het.

Yeshua het my gelei om een plakkaat voor die Vergadering vir Ken te gee en die ander plakkaat, reeds geraam, aan Roy te pos na die samekoms. Ken en Roy het elk een van die stukke hout in Esegiël 37 verteenwoordig (priesters en konings) wat Yeshua besig was om bymekaar te bring as EEN gedurende hierdie profetiese 2005 Fees van die Trompette samekoms.”

Dus sien ons dieselfde prent van die EEN NUWE MENS wat vooraf op aarde uitgebeeld word en sodoende die Hemel affekteer sodat dit korrek in die toekoms sal manifesteer.



En wat jy ookal op die aarde losmaak sal wees, en is alreeds losgemaak in die hemel.



Ons sal later in hierdie afdeling meer praat oor die EEN NUWE MENS en die plakkaat wat Paul geraam en vir my gestuur het.

Ek sal ook meer weergee rondom simboliese oorlogvoering, om op aarde deur **uitbeeldings** te vestig deur leiding van Yeshua. Ek het 'n visioen gehad waar die hemel beweeg is. **Profetiese Uitbeeldings** gaan verder as blote intersessie. Dis 'n belangrike konsep om te begryp en mens weet nooit wanneer Yeshua dit noem om individueel uitgevoer te word nie, soos byvoorbeeld Esegïel se ervaring, of korporatief deur twee of meer mense. Die eerste *Bruilofsfees van die Lam* was 'n **Uitbeelding**!

Kom ons kyk na die Gelykenis van die Bruilofsfees

Onthou, die gelykenis gaan oor Elohim se Koninkryk.

Mat 22 1 En Yeshua het weer deur gelykenisse met hulle begin spreek en gesê: *2 Die koninkryk van die hemele is soos 'n koning wat 'n bruilof vir sy seun berei het 3 en sy diensknegte uitgestuur het om die genooies na die bruilof te roep, en hulle wou nie kom nie. 4 Weer het hy ander diensknegte uitgestuur met die boodskap: Sê vir die genooies: Kyk, my maaltyd het ek berei, my beeste en vetgemaakte vee is geslag en alles is gereed. Kom na die bruilof. 5 Maar hulle het hul daaraan nie gesteur nie en weggegaan, een na sy eie stuk land en 'n ander na sy handelsaak. 6 En die origes het sy diensknegte gegryp en mishandel en doodgemaak. 7 Toe die koning dit hoor, het hy kwaad geword en sy manskappe gestuur en daardie moordenaars omgebring en hulle stad aan die brand gestee. 8 Daarop sê hy vir sy diensknegte: Die bruilof is wel gereed, maar die genooies was dit nie werd nie. 9 Gaan dan op die kruispaaie en nooi almal wat julle mag vind, na die bruilof. 10 En daardie diensknegte het uitgegaan op die paaie en almal versamel wat hulle gevind het, slegtes sowel as goeies, en die bruilofsaal het vol gaste geword. 11 En toe die koning ingaan om na die gaste te kyk, sien hy daar iemand wat nie 'n bruilofskleed aan het nie. 12 En hy sê vir hom: Vriend, hoe het jy hier ingekom sonder 'n bruilofskleed aan? En hy kon geen woord sê nie. 13 Toe sê die koning vir sy dienaars: Bind sy hande en voete, neem hom weg en werp hom in die buitenste duisternis. Daar sal geween wees en gekners van die tande. 14 Want baie is geroep, maar min uitverkies.*

Die gelykenis van die *Bruilofsfees* bevat verskeie tonele, sommige wat ons hier sal behandel. Die gelykenis is 'n sinnebeeld met belangrike prentebodskappe.

Jare gelede toe Elohim my geleer het van die bruilof, het ek besef dat daar **een Bruidegom** is, **een Korporatiewe Bruid**, 'n paar **dienaars**, maar **baie gaste**. Die hoeveelheid gaste is baie groter as die hoeveelheid mense saamgevoeg in die korporatiewe, Vleklose Bruid. Yeshua het dit duidelik gemaak dat die fees slegs sou plaasvind wanneer die Vleklose Bruid (hierdie onsigbare, korporatief-funksionerende organisme) haarself gereedmaak en dit tyd is op Elohim se kalender. Die gaste en dienaars is Christene wat nie deel is van hierdie lewende organisme wat genoem word die *Getroude Bruid* nie. Maar die gaste en dienaars, soos by enige troue, kry te doen met of bedien die Bruid en Bruidegom. Verder geniet hulle dieselfde feestelikhede.

Sommige mense mag sê dat hul eerder deel van die Bruid wil wees as om slegs 'n gas te wees. Jare gelede het ek 'n dame gevra of sy deel van die *Bruid* wou wees, of 'n gas? Sy het gesê dat sy eerder 'n gas wou wees, dat sy nie wil deurmaak wat dit vereis om deel van die *Bruid* te wees nie. Sy het die koste bereken!

Openb. 19:7 *Laat ons bly wees en ons verheug en aan Hom die heerlijkheid gee, want die bruilof van die Lam het gekom en sy vrou het haar gereed gemaak. 8 En aan haar is gegee om bekleed te wees met rein en blink fyn linne, want die fyn linne is die regverdige dade van die heiliges. 9 Toe sê hy vir my: Skryf: Salig is die wat genooi is na die bruilofsfees van die Lam.*

Een keer het Yeshua vir my gesê: *“Jy kan nie werklik weet wat ‘n skrifgedeelte sê tensy jy weet wat dit nie sê nie!”* Met dit in gedagte, as ons kyk wat Elohim openbaar oor die Bruilof van die Lam in Openb. 19:9, sien ons dat Hy sê: *“salig is die wat genooi is na die bruilofsfees van die Lam.”* Hy het nie met die Bruid gepraat nie, maar met Christene wat gaste is. Hy sê: *Laat ons bly wees en ons verheug en aan Hom die heerlijkheid gee:... dat die bruilof op hande is*, wat die gaste, die dienaars en die Bruid almal insluit.

Niemand behoort ooit, op enige wyse, die rol van die gaste of dienaars te verkleiner nie! As ons weer kyk na die prent van die gelykenis van die *Bruilofsfees*: die Bruidegom is Yeshua die Koning; die Bruid is 'n korporatiewe liggaam wat saamgestel is uit baie lede wat dig saamgevoeg is voor die werklike bruilof en vlekloos omdat sy haarself voorberei het.

Jare gelede het ek klein vlekke sowel as die drie grotes op die aardse Liggaam van Yeshua gesien. Hulle is ook verkeerde patrone van dinge doen.

As ons kyk na die groot prent, is die gaste nie dig saamgevoeg nie en het nie die intimiteit met Yeshua wat die Bruid het nie.

In die gelykenis van **Mattheus 22:11-13**, kom die Koning kyk na die gaste en een was nie korrek geklee nie.

11 En toe die koning ingaan om na die gaste te kyk, sien hy daar iemand wat nie 'n bruilofskleed aan het nie. 12 En hy sê vir hom: Vriend, hoe het jy hier ingekom sonder 'n bruilofskleed aan? En hy kon geen woord sê nie. 13 Toe sê die koning vir sy dienaars: Bind sy hande en voete, neem hom weg en werp hom in die buitenste duisternis. Daar sal geween wees en gekners van die tande.

Die Koning het hom 'n vriend genoem en gevra waarom hy nie behoorlik geklee was nie, wat aandui dat hy 'n vriend kon gewees het. Die gas was sprakeloos! Ek het besef dat hierdie persoon gewet het waarom die fees gegaan het, deel daarvan wou wees en 'n poging daartoe aangewend het, maar uiteindelik sprakeloos (sonder verskoning) geëindig het. Die Koning (Elohim) het hierdie man, wie hy 'n vriend genoem het, laat uitwerp. Dit wys die erns daarvan om nie korrek geklee te wees nie, wat ons 'dade' verteenwoordig.

Jare gelede, gedurende die Apostelsvergaderings wat ek bygewoon het, het Yeshua hulle "vriende" genoem. Vriende sal dinge vir jou doen en jou liefhê, maar hulle is nie met jou getroud nie. 'n Mens behoort altyd te kyk na woorde, drome en visioene waar Elohim 'n verhouding teenoor Hom openbaar. Is jy 'n kind, 'n vriend, 'n dienaar, 'n broer, of word daar getoon dat jy volwasse is?

Hy is nie krities nie. Hy is bloot die Skepper van waarheid en ons behoort aandag te gee. Ons as mense kan een oomblik volwasse optree en kinderagtig die volgende. Dit kan betrekking hê op een spesifieke onderwerp, dus is daar geen rede om ontsteld te wees as jy 'n kind of 'n vriend genoem word, eerder as Sy Bruid nie. Wees net oop vir Elohim om jou, jou gedagtepatrone, jou dade en jou omstandighede te beweeg. Die Apostels in die vergaderings was vriende van Yeshua en as jy daaroor nadink, is die gaste by 'n troue hoofsaaklik vriende en dalk dienaars. In die gelykenis is daar dienaars gereed in die vergadering: *13 Toe sê die koning vir sy dienaars: Bind sy hande en voete...*

Volgens die gelykenis, moet die gaste korrek geklee wees; logies het hulle nie die Bruid se rok aan nie, maar die korrekte klere om die fees by te woon.

Die soldaat met fyn linne in die *Protection* gedeelte van 'Demonstration of God's Covenant' film, kon 'n gas gewees het, maar dalk nie deel van daardie funksionerende lewende organisme wat dig saamgevoeg is en genoem word die Vleklose Bruid nie. Die *Getroude Bruid* is 'n korporatiewe liggaam wat korrek saam funksioneer en as 'n korporatiewe liggaam haar Man gehoorsaam. Sy het korporatiewe verantwoordelikhede wat die gaste en dienaars nie het nie!

Die gelykenis is baie duidelik rondom die korrekte kleredrag ten opsigte van die *Bruilofsfees van die Lam*. Om as 'n gas of die Bruid **korrek geklee** te wees, is noodsaaklik om werklik deel te wees van die feestelikhede, die vergadering.

Mat. 22:13 *Toe sê die koning vir sy dienaars: Bind sy hande en voete (die gas s'n), neem hom weg en werp hom in die buitenste duisternis. Daar sal geween wees en gekners van die tande.*

Een ding waarop ons, ons aandag moet vestig is die feit dat die *Bruilofsfees van die Lam* 'n vergadering is! Yeshua het gepraat van die *Koninkryk van Elohim* toe Hy die gelykenis gegee het, dus sien ons hoe belangrik vergaderings is vir *Elohim se Koninkryk*. Yeshua is nie die Hoof van Sy gemeente totdat ons Hom van begin tot einde die Hoof van die vergadering laat wees nie. In die gelykenis was die Koning in beheer van die vergadering, nie die bruid nie. Hy was die een wat gesien het dat die gas nie behoorlik geklee was nie. Hy was die een wat die persoon laat uitgooi het.

Mat. 22:11 *En toe die koning ingaan om na die gaste te kyk, sien hy daar iemand wat nie 'n bruilofskleed aan het nie.*

Dit gaan alles oor die Koning se vergadering, nie die Bruid se vergadering nie. Kyk na **Openb. 19:9** *"...salig is die wat genooi is na die bruilofsfees van die Lam."* Die bruilofsfees van wie? Die Lam!

Let op hoe daar in die gelykenis van die *Bruilofsfees* (vergadering) verskillende funksies is. Die Koning, die Bruid, die dienaars en die gaste verrig almal verskillende funksies.

Dit vind alles plaas in dieselfde vergadering-atmosfeer; hetsy 'n bruid of 'n dienaar, hul opereer in dieselfde atmosfeer. Die atmosfeer is die Koning se atmosfeer. Dit is dieselfde prent wat Yeshua gegee het ten opsigte van die **Militêre Eenhede** in die artikel: *Ek het die Elohim van die Boek van Openbaring Gesien*.

Yeshua het openbaar dat al die militêre eenhede nie dieselfde funksie verrig nie, maar almal werk in dieselfde atmosfeer tot 'n gemeenskaplike doel.

Op **24 Januarie 2008**, het Yeshua vir my gewys dat ek die donker kant moet insluit, die dinge wat mense nie wil hoor nie, of hul sal nie die erns insien van om skoongemaak te wees nie, of om die korrekte kleredrag aan te hê (die korrekte werke). As ons na die hele gelykenis kyk, is dit duidelik dat dit gegee was om die erns van die hele situasie te openbaar. Dis nie 'n outomatiese gebeurtenis vir gelowige Christene nie.

Rapportering van Gebeure in en rondom die Eerste Bruilofsfees van die Lam!

Dis belangrik om die vestiging en die rapportering van gebeure ten opsigte van die *Eerste Bruilofsfees van die Lam* te verstaan. Ek het vantevore genoem dat Elohim die belangrikheid van inligting wat op aarde neergelê word met my behandel het. Dit vestig beide in die geesteryk en op aarde. Daar is 'n wettige rede in die geesteryk waarom Elohim se waarheid op aarde gevestig word.

Dit word 'n wettige basis vir ons om te gebruik en vir Yeshua om te gebruik teen die vyand van die mensdom indien nodig! 'n Goeie voorbeeld is waar Yeshua vir Satan gesê het: **“Daar staan geskrywe...”**

Dit was nie lank na Yeshua mense hier bymekaargebring het dat Hy met ons begin praat het oor die vleklose bruid en die *Bruilof van die Lam* nie. Toe, op **13 Oktober 2002**, het Yeshua ons gevra om as 'n korporatiewe liggaam met Hom te trou en Sy wil te doen. Ek sal nooit die uitdrukkings op ons gesigte vergeet om so 'n vraag te kry nie. Die groep het redelik vinnig gesê “ja” en ek het gedink: “Weet julle wat julle doen? Het ons die koste bereken? Ek het ook ingestem, aangesien ek Yeshua se wil wou doen. Ek het geweet dat ons baie sou deurmaak en deur baie misverstaan sou word. Die feit bly staan, deur “ja” te sê, het ons wettiglik die vermoë van Elohim vrygestel om hierdie bruilof korporatief in ons midde mee te bring. Ons het geen konsep gehad van alles wat moes gebeur nie.

Hou in gedagte dat ons kyk na 'n prent wat deur die Heilige Gees voorgestel word. Yeshua het ons gevra om as 'n *korporatiewe liggaam* met hom te trou en om te trou is om in verbond te tree.

Dit is een ding om individueel tot 'n verbondsverhouding te kom, maar om korporatief, as 'n eenheid in verbond te tree, is 'n ander saak.

Om hierdie korporatiewe stryd te help verstaan, volg hier 'n toneel wat op **18 Februarie 2001** vir my gegee is:

Ek het gekyk na 'n toneel van 'n Generaal wat vir sy klas sê dat hy hul almal 'n "D" sou gee, omdat een student 'n "F" gekry het. Toe word ek gevra: "Waarom moet ons na 'n geestelike gawe kyk soos na 'n prent?"

Ek het geweet die Generaal was Yeshua en ons korporatiewe liggaam was daardie klas. Dit was duidelik dat ons nie korporatief goed gevaar het nie, lank voor Yeshua ons gevra het om met Hom te trou op **13 Oktober 2002**. Ek gee hierdie toneel sodat julle kan sien hoe Elohim openbaar dat wanneer een persoon drup, dit die hele korporatiewe liggaam (die *vleklose Bruid*) benadeel! Een mens kan die korporatiewe liggaam verhoed om korrek te funksioneer as 'n eenheid en om heg saamgevoeg te word, net omdat Elohim die korporatiewe liggaam as een liggaam ag. Dit is dieselfde prent wat in die artikel, *Samesmelting*, gegee is ten opsigte van vergaderings en om die Goue Weg te bewandel. Hierdie "saak van die Gees" verteenwoordig ook 'n prent van erns, net soos die *Gelykenis van die Bruilofsfees*.

Ek het ook hierdie toneel onthul sodat jy kan sien hoe lank Elohim al aan ons werk as 'n korporatiewe liggaam, om gedurende vergaderings een lewende, bewegende organisme te word! Yeshua het verskeie kere met ons gepraat oor "perfeksie", wat my begrip skynbaar ontwyk het. Dit het eenvoudig nie moontlik gelyk as 'n persoon nie, wat nog te sê 'n eenheid. Op **16 Februarie 2005**, het Yeshua vir ons gesê: "*Ek bring volgorde en voeding.*" Op **10 Februarie 2008** was Hy steeds besig om met ons te deel oor volgorde in vergaderings as 'n enkel liggaam. Die Korporatiewe Bruid moet 'n eenheid wees wat in alle optredes saam met Yeshua beweeg.

Een hoofelement wat ons altyd behoort te onthou ten opsigte van die Bruilofsfees van die Lam, is dat dit 'n vergadering is en Yeshua het gepraat van die Koninkryk van Elohim toe Hy die gelykenis gegee het. Dit toon die erns daarvan om vergaderings korrek te hou, om sodoende saam met Yeshua te beweeg, korrek en in pas met Hom in Sy Koninkryksvergaderings.

Verduidelikend: “**Waarom behoort ons ‘n geestelike gawe as ‘n prent te beskou?**” ‘n Prent van wat? Soms openbaar die “sake van die Gees” die waarheid rondom ‘n “fisiese gebeurtenis” vanuit Elohim se oogpunt, sodat ons kan leer. ‘n Droom of ‘n visioen later uitgeleef, of ‘n woord wat ontvang is, kan ‘n “woord van kennis” wees ten opsigte van die betrokke situasie.

Die “sake van die Gees” gaan altyd saam om ‘n prent te vorm. Elohim wou ons klaarblyklik herinner dat ons die “sake van die Gees” bymekaar moet bring, met spesiale aandag aan fisiese gebeure, sodat ons Sy klas kan slaag.

Ons moet die “sake van die Gees” op die fisiese gebeurtenis toepas om die begrip te kry wat Yeshua ons wil gee, hetsy positief of negatief. Met hierdie inligting in gedagte, beweeg ons aan na ‘n paar “sake van die Gees” wat na **13 Oktober 2002** vir ons gegee is, toe Yeshua vir ons gevra het om as ‘n korporatiewe liggaam met Hom te trou.

Op **27 Junie 2003** het ons wagter die trourok gesien en op **29 Junie 2003** is dit openbaar dat die rok oor ons as ‘n korporatiewe liggaam neergekom het.

Ek onthou hoe ek vir die groep vertel het dat ons blykbaar as ‘n korporatiewe liggaam van die drie vlekke ontslae geraak het – maar dat dit ons nie beter gemaak het as enigiemand anders nie! Ek het wel gesê dat dit ons in ‘n verskillende posisie plaas as ander korporatiewe liggame. Ek het dit besef omdat Elohim my geleer het van persoonlike outoriteit.

Ek het besef dat ons in werklikheid al vir ‘n geruime tyd voor **29 Junie 2003** as ‘n korporatiewe liggaam sonder die drie groot vlekke gefunksioneer het. Wat inderwaarheid gebeur het, was die “skenking” van die trourok van Elohim.

Openbaring 19:8 “*En aan haar is gegee om bekleed te wees met rein en blink fyn linne...*” Daar was tye wat ek Elohim gevra het oor iets en dan sou Hy antwoord: “**Dis nie die tyd nie!**” Yeshua het sy Kalender en Hy hou daarby. YHWH is die Een wat elke gebeurtenis aanvoer ten opsigte van die bruilof en eindtydgebeure en Hy doen dit volgens Sy rooster en plan.

Let op die tydsverloop in al hierdie dinge:

Op 2 Junie 2004 was dit openbaar dat ons korporatiewe liggaam die sluier aangehad het. Ek het geweet dat ons stadig besig was om geklee te word vir 'n bruilof as 'n korporatiewe liggaam.

Op 7 Oktober 2007 is daar vir my 'n goudkleurige naggesig gegee waar ek voor 'n baie kleurvolle vrou gestaan het, wie ek met iemand wat onsigbaar was, sou trou. Ek het geweet dat ek die troue moes waarneem en dat ek deel was van die vrou wat getrou word. Ek het ongeveer 3 meter van haar af gestaan – met die gevoel dat die tyd vir die bruilof naby gekom het, omdat ek so naby aan haar was. Terwyl ek na die vrou gekyk het, het ek gesien dat sy bestaan uit baie liggame wat soos papier koppies styf saamgepak is. Ek het twee vroue uit die stapel sien opstaan en na my linkerkant die toneel verlaat. Hulle was op pad om hul eie ding te doen. Ek het gegaan om hulle terug te bring en daar was toe interaksie met hulle. Ek het egter sonder hulle teruggekeer om my werk te doen – om die vrou, bestaande uit baie liggame, te trou met 'n onsigbare man.

Vanuit bogenoemde toneel het ek geweet dat daar mense in hierdie groep sou wees wat nie werklik getrou sou word nie, al was hul op daardie tydstip hier, as deel van die groep. Ek het geweet dat om te verstaan, sou ek moes dophou wat gebeur soos wat ons vooruit beweeg. Jare gelede het Yeshua die boodskap gegee dat 'n persoon in 'n vertrek kan wees met mense wat in dit is wat Hy besig is om te doen, sonder om werklik self deel daarvan te wees. In hierdie toneel het die twee vroue hul eie ding gaan doen. Hul was in “self”, gefokus op wat hul gefokus wou wees.

Yeshua het gesê: **“Julle kan nie met My getroud wees en nie gefokus wees op wat Ek doen nie!”** Die vroue in die toneel was nie gefokus daarop om met Yeshua te trou nie. Onthou, Yeshua het my beveel om vir Sy volk te sê dat hul oë op Bruidskap gefokus moet word! Die toneel was profeties en gegee om meer van die vereistes te leer om met Yeshua as 'n korporatiewe liggaam en as 'n individu in daardie korporatiewe liggaam te trou.

Op 27 Oktober 2004 het 'n siener gevoel hoe 'n ring met Hebreeuse letters aan haar vinger geplaas word. Dit was asof meer as een persoon dit aangehad het.

Op 31 Oktober 2004 was dit openbaar dat die Hebreeuse letters gelui het: **“My geliefdes”**.

Op **31 Desember 2004** is ons die woord “bruidskat” gegee. Dit het alles gedui op hoe Elohim besig was om te openbaar dat die proses in werking was en dat hierdie korporatiewe liggaam, as ‘n “korporatiewe liggaam”, inderwaarheid met Hom getrou kon word. Ek het aangehou kyk wat ons dalk anders gedoen het as ‘n korporatiewe liggaam. As gevolg van die *Korporatiewe Vloeidiagram* het ek begin dink oor die “intimiteit” en die “Bruiłofsfees” soos in ‘n Judese bruilof uitgevoer.

Ek het geweet dat dit op een of ander wyse volbring moes word en al wat ons kon doen, was om na die beste van ons vermoë te volg. Hoe op aarde kan ‘n korporatiewe liggaam intiem met Yeshua verkeer?

Yeshua het ons met mense verbind (*Heilige Vergaderings* groep) buite hierdie bediening en daar het “sake van die Gees” inligting heen en weer tussen ons en hulle gevloei, ten opsigte van wat Yeshua besig was om voort te bring.

Sommige van hierdie mense, Ken en Paul reeds genoem, sou in gehoorsaamheid aan Yeshua, uiteindelik die eerste *Bruiłofsfees van die Lam* bywoon. Fran Beauchamps is die skriba in New York.

03 Januarie 2005 – Die skriba in New York:

Ek het weer in my gees begin hoor: Kyk na die Pasga. Dit het ‘n ruk aangehou en die volgende is wat vir my gegee en in my notaboek geskryf is: Kyk na die Pasga. Dit sal wees asof julle dit vir die eerste keer voor My vier. Ek sal hierdie reken as die Eerste Jaar, die Eerste Keer. Ek het gesê: “Maar Yeshua ons het Die Pasga vantevore voor U gevier, nie waar nie?” Toe sê Hy: “Ek sal hierdie as die Eerste Keer ag, want Ek het aan julle ‘n nuwe hart gegee om My te Gehoorsaam...”

Datums regdeur hierdie verslag is baie belangrik. As ons kyk na inligting rondom die Wit Perd van Openbaring 19, sien ons dat Yeshua rondom **6 Augustus 2004** op aarde arriveer het, wat die dispensasie begin van wat die *Wit Perd* verteenwoordig. Dit verklaar deels waarom Yeshua gesê het: *Dit sal wees asof julle dit vir die eerste keer voor My vier.* Yeshua is hier op ‘n ander wyse, ‘n dispensasie van tyd of ‘n venster van tyd, waar alles rondom die *Wit Perd* volbring sal word. Dit is die “Dag van Yeshua”. Hierdie verskil in die geesteryk is deur voorbidders buite ons bediening bevestig. Yeshua het gekom om Sy Bruid te reinig en met haar te trou, om daardeur haar in verbond te bring en ook om Sy oorlog aan te voer, wat Eindtydgebeure vervul.

Yeshua wat sê: “**Ek sal hierdie reken as die Eerste jaar, die Eerste keer...**” pas by die prent dat die fees nie volmaak gedoen sal word nie, net soos die toneel van die paartjies wat getrou en daarna bruilofsberading moes kry.

Gedurende hierdie trouproses is Yeshua gesien op Sy Wit Perd met ‘n goue ring in Sy hand vir Sy bruid. In die toneel was hy in volle vaart met die pad langs vanuit die suide op pad na die skuur waar ons bymekaar gekom het. Die *Wit Perd* is al baiekeer op aarde gesien deur verskillende mense, maar ons sal nie hier meer tyd daaraan spandeer nie.

In ‘n vergadering op **23 Januarie 2005** was Yeshua op die *Wit Perd* gesien, geklee in sy troudrag en ‘n rooi mantel met goue omboorsel.

4 Maart 2005 In ‘n oasevergadering het ek gebid oor wat ons veronderstel was om daardie aand met Nagmaal te doen en het gehoor: “**Daar is iets anders rondom Nagmaal.**” Dit het nie noodwendig beteken dat ons daardie aand iets anders moes doen nie. Toe hoor ek: “**Laat dit vandag bekend wees, laat dit vandag bekend wees.**” Ek het geweet dat iets op pad was wat verskil het met betrekking tot nagmaal.

Toe ons uitvind dat hierdie pasga by *Take His Heart* die eerste *Bruilofsfees van die Lam* sou wees, was dit voorgestel dat ons dit openbaar moes maak. Yeshua het vinnig met my en Paul hieroor gedeel. Hy het die eerste Nagmaal by my in herinnering geroep en hoe Hy dit nie openbaar gemaak het nie en dat dit in een plek begin het.


Kan jy dink wat die godsdienstige mense in Yeshua se tyd sou gedoen het as hulle geweet het van die vergadering en wat Yeshua se opdrag sou wees? YHWH se doel het toe die voorrang geniet, net soos gedurende die eerste Bruilofsfees van die Lam. Die vergadering was nie vir ons nie, dit was vir Elohim se doeleindes!

Yeshua het oor die jare met my gedeel oor “een plek”. Hoe Elohim altyd nuwe dinge – met groot gevolge – by net een plek op aarde begin het. Die tuin was op een plek; Yeshua se geboorte was op een plek; die Nagmaal was op een plek; die kruisiging was op een plek, ensovoorts. Nou het ek ‘n kykie begin kry na waarom Elohim vir my hierdie spesifieke deel van Sy manier van dinge doen, geleer het. Ek het verstaan dat ons nie toeskouers nodig gehad het nie, aangesien die enigste wat ons geweet het, was om Yeshua te volg na die beste van ons vermoë.

Toe Yeshua klaar was met my oor die behoefte aan geheimhouding, het ek geweet om almal hier opdrag te gee om versigtig te wees dat hulle nie aan iemand moes weergee wat Yeshua ons gelei het om te doen nie.

Gedurende hierdie tyd voor die fisiese *Eerste Bruilofsfees van die Lam* het Yeshua opdrag gegee oor hoe die vergadering met sekere simbole opgestel moes word.

Hy het vir ons gewys dat daar twee gouerige pilare met 'n wit gordyn moet wees soos hiernaas aangetoon. Daar moes 'n groot Chuppah voor die



gordyn en pilare wees. Daar moes een beker wees. Onthou die daad, die **uitbeelding** en simboliek wat Elohim vir Esegïel in geestelike oorlogvoering laat doen het om mee te bring wat Elohim wou hê? Hierdie is dieselfde tipe prent en dit is belangrik om die simboliek te verstaan. Die enkele beker verteenwoordig die beker waaroor Yeshua gesê het Hy nie deel aan sou hê totdat Sy Koninkryk gekom het nie. Die Chuppah het te doen met die bruilof en die pilare het te doen met Yeshua se regering: Koningskap, outoriteit, die tempel en Yeshua se hofsaal. Die simboliek van die gordyn het verwys na die *Allerheiligste*. Op een stadium het Yeshua ons 'n stoel agter die gordyn laat plaas, wat Sy troon verteenwoordig het. Yeshua het hierdie korporatiewe liggaam deur die gordyn laat beweeg. Hierdie dinge het alles na die *Bruilofsfees* gebeur. Ons was net gehoorsaam aan Yeshua en ek verstaan nou dat dit alles simboliese geestelike oorlogvoering was vir iets spesifiek om in die toekoms plaas te vind.

Soos die tyd vir die bruilofsfees nader gekom het, was daar besorgdheid oor watter dag dit gehou moes word, die 22ste of 23ste. Die Heilige Gees het seker gemaak dat ons dit nie mis nie. Op **2 April 2005** het 'n lid van die groep vyfuur die oggend wakker geword met die woorde helder en duidelik: **"Die 23ste vir die Pasga maaltyd. Staan vas!"** Diep binnekant het sy gevoel dat sy nie daar sou wees as dit op die 22ste gehou was nie en sy het dit nog nooit vantevore ervaar nie.

Toe sy later die oggend wakker word, sien sy 'n swaar goue sleutel wat in haar hand gesit word. Daar is vir haar gesê: “**Ek het vir jou die sleutel gegee.**” Dit toon die erns om volgens Elohim se kalender te werk en wat Yeshua gesê het oor Hom wat Sy kalender openbaar.

Op **22 April 2005** het ons ons gereelde Oasevergadering gehou en Yeshua gesoek ten opsigte van die *Bruilofsfees van die Lam* wat ons die volgende dag sou hê. Die volgende woorde was gegee: “**Die kop en nie die stert nie.**” “**Die mens kan dit nie beoordeel nie, dit is gees, dit is waarheid, dit is EK.**” Nagmaal was bedien en gedurende die musiek het die wagter 'n ervaring gehad:

Sy het haar hande uitgehou gehad en vloeibare goud het deur haar vingers geloop. Aan die einde het sy gekniel, terwyl sy SY arm vasgehou het. Dit het alles te doen gehad met om in pas met HOM te wees.

Hierdie ervaring is nou makliker om te verstaan. Die Goud verteenwoordig finale loutering. Die kniel verteenwoordig die oorgawe aan die verfyning om in pas te wees met Yeshua. Hierdie dinge het ons meer geleer oor korporatiewe optrede in pas met Hom in 'n vergadering en waarom Yeshua openbaar het dat die Bruid bruilofsberading na die troue sou nodig hê. Elohim was op daardie stadium besig om te openbaar deur die ervaring, maar ons het nie die volle omvang van wat Hy wou openbaar begryp, of hoe lank hierdie verfyning sou duur nie. Verstaan asseblief dat die verfyning is as gevolg van Hom, vir Hom, nie ons nie.

Op **23 April 2005**, soos deur Yeshua beveel, het die eerste Bruilofsfees van die Lam plaasgevind. Daardie oggend het ek die woord, “**proklamering**” gesien.

Ek het geweet dat dinge in die vergadering bekend gemaak moes word. Vir 'n prent van die gebeurtenis, hier is van die dinge wat geproklameer/verklaar is:

- dat hierdie die dag van Pasga is...
- dat dit die eerste Bruilofsfees van die Lam is met die geluid van die ramshoring
- dat dit ten opsigte van *die Heuwel (plek van beskerming)* verklaar: “**U gaan U Bruid beskerm teen die oordele wat oor die aarde kom.**”
- dat ons ons liefde vir Hom verklaar.

Die wagter is herinner aan “**totale verbond**” en het die woorde: “**Ons sal dit doen**” gesien. (L.w. dit was in toekomstige tyd en ons het besef dat dit dus tyd sou verg om “totale verbond” te bereik. Hierdie *totale verbond* is deel van die “volmaaktheid” waarvan die Bybel praat.)

‘n Woord was gegee: “**Ja, ten regte het julle gesê ek gebruik ‘n oorblyfsel...**”

Hierdie is slegs ‘n klein deeltjie van alles wat gebeur het, maar wat nodig is om die prent te sien. Gedurende die vergadering het ons alles na die beste van ons begrip gevolg en ek het aanhou wonder of Yeshua iets sou doen of sê rondom die “enkel beker”, maar Hy het nie. Ons het wel die vergadering met die Bruilof-Pasgamaal afgesluit. In die vergadering het ek almal ‘n sirkel gesien vorm onder die chuppah en ons het in gehoorsaamheid aan Yeshua dit gedoen. Ek het dit nie op daardie stadium besef nie, maar die sirkelvorming het nie beteken dat almal onder die chuppah op daardie tydstip wel getroud was nie. Dit was ‘n simboliese uitbeelding van die vervulde huwelik (totale verbond) wat in die toekoms sou plaasvind, soos reeds verduidelik. (Elohim het onderskeid getref tussen om in “verbond” te wees en om in ‘totale’ verbond te wees.) Om te trou, beteken om in verbond te tree en ‘n sirkel verteenwoordig ook verbond. As ons terugkyk hierna, het Yeshua seker gemaak dat die spesifieke **uitbeeldings** wat Hy wou hê, uitgevoer word – maar dit was gemeng met ons eie persepsie van dinge.

Ek moet sê dat ek effens verward was op daardie tydstip, omdat ek meer van die vergadering verwag het rondom sekere sake en ek het nie besef dat ons besig was om toekomsgebeure uit te beeld nie. Ek het nie besef hoe verspreid (oor jare heen) hierdie *Bruilof van die Lam*-prent gegee was nie. Ek het gedink dat meer daarvan in daardie spesifieke feesvergadering sou gebeur het. Jy sien, met ‘n Hebreeuse troue, is die “ware fees” die viering van die huwelik wat reeds plaasgevind het. Die troue vind nie plaas te midde van die feesviering self nie. Die feesviering vind plaas omdat daar ‘n troue was! Die eerste *Bruilofsfees*-vergadering het plaasgevind om begrip te gee en om daardie deel van die hele huweliksplegtigheid **uit te beeld** wat deur Elohim meegebring sou word oor ‘n groter tydvak. Spesifieke elemente moes **uitgebeeld** word, soos die sirkel onder die chuppah, sowel as die fees self.

Onthou dat die bruilofsfees-vergadering bygewoon word deur die dienaars, die gaste, die Bruid en die Koning. Al hierdie elemente moes in die vergadering teenwoordig wees vir die simboliek om korrek **uitgebeeld** te word op aarde.

Ons volgende gereëlde vergadering was op die dag daarna, **24 April 2005**, en die wagter het gerapporteer wat sy vroeër daardie oggend gesien het toe sy Yeshua opgesoek het. Toe sy die eerste keer vir Yeshua gevra het of Hy iets vir ons het, het Hy gesê: **“Ek is tevrede.”** Toe: **“Chuppah”** “sy het gevra: wat daarvan?” **“Af”**. Sy het gevra wat ons kon doen om HOM te verheerlik en toe **sien sy ons in ‘n sirkel met ons arms rondom mekaar en ons hoofde gebuig, styf teenmekaar.** Sy het meer gebid en toe sien sy: **“Wagter”**. Sy het gevra of daar enigiets daaroor was en sien toe, **“Stel ‘n wag op.”**

Daardie oggend het Yeshua ook vir my gesê om die chuppah *af te haal* en ek het gereken dit was baie belangrik omdat die wagter dieselfde Woord gekry het. Dit was die eerste aktiwiteit wat ons in die vergadering voltooi het. Ek het dit nie toe verstaan nie, maar dit was baie belangrik om nie enige verdere aktiwiteit onder die chuppah te hê nie. Wanneer spesifieke simboliese uitbeeldings gedoen word, is dit belangrik om nie by te voeg by die uitbeelding nie.

Later in die vergadering het ‘n voorbidder gesê dat sy gevoel het asof sy met ‘n *onrein hart* wakker geword het. Toe die wagter gepraat het oor **“Kyk uit”**, het sy ontvang dat ons moes uitkyk vir **“self”** en **“die dinge van die wêreld”**. Dit het beslis te doen met ‘n *onrein hart*, so ver dit Elohim aangaan. Ons sou inderwaarheid uitvind dat hierdie dinge baie dieper kan gaan as wat die vleeslike verstand kan begryp. Daar was baie aan mense bedien in hierdie vergadering.

Twee Drome

Paul se jong seun wat die vergaderings bygewoon het, het ‘n droom gehad oor die vergaderings voor die *Bruilofsfees* plaasgevind het. In die droom was dit openbaar dat Woord aan die Bruid bedien sou word en dat hy een van die was wat haar sou bedien. Dit het gebeur toe die jong man die ramshoring op ‘n spesifieke tyd gedurende die vergaderings geblaas het. Hierdie is een van daardie uitgeleefde drome wat waarhede openbaar ten opsigte van wat besig was om te gebeur, vanuit Elohim se oogpunt. In die droom was dit onder andere onthul dat nie almal in die vergadering getrou het nie.

Ek sal in 'n ander afdeling meer oor hierdie droom praat.

Die oggend van ons volgende gebedsvergadering, **27 April 2005**, het die Heilige Gees vir my 'n toneel gegee: *Ek het 'n troue waargeneem saam met 'n Rabbi, 'n Jood. Hy moes die eerste deel doen en ek die laaste. Ek het nie geweet wat om te doen nie, maar ek het geweet dat ek op een of ander wyse moes aankondig dat hulle man en vrou is. Daar was mense rondom en dinge was nie soos normaalweg gedoen nie. In elk geval, die Rabbi het sy deel gedoen en toe sê hy vir van die kinders om 'n speletjie te speel ('n Joodse speletjie) en hy gaan toe saam met hulle. Ek het gedink dat dit vreemd is dat hy 'n speletjie op daardie tydstop sou gaan speel. Toe was daar iets wits en twee vertikale lyne of drade. Hierdie wit moes om die twee drade gaan en aan hul vasheg omtrent borshoogte. Die twee drade was redelik ver uitmekaar. Eers het ek gedink die wit was sneeu, maar nader aan die einde het dit geblyk suiwer wit linne te wees. Ek het toe geweet daar was iets omtrent 'n woord, iets soos 'n chuppah wat te doen het met hierdie wit vlak wat aangeheg moes word. Ek het toe geweet dat ek die troue moes afhandel, dat dit te doen gehad het met die afhandel van die troue.*

Hoewel ek nie die volle omvang van die toneel toe verstaan het nie, het ek wel verstaan dat iets aan die gebeur was en dat dit te doen gehad het met die aankondiging dat die Korporatiewe Bruid getroud is. Ek het dit nie verstaan nie, want ek het geweet dat hulle dit nie so in 'n Joodse troue doen nie.

Ek was regdeur die vergaderings bewus van die toneel op **7 Oktober 2007** (wat ek vroeër vermeld het), waar ek die seremonie van die korporatiewe bruid moes behartig. Wat ek nie verstaan het nie, was dat die **uitbeelding** van die troue op die Ou Testamentiese wyse EN die Nuwe Testamentiese wyse gedoen moes word. Dit het te make met die EEN NUWE MENS, die "Judeër" en die "Heidene" wat een word in Yeshua.

29 April 2005. In hierdie volgende vergadering (steeds tydens Pasgatyds) het die wagter die woorde: **"Heilige eg verbinding"** gesien. Sy het gesê: "Dit is waarlik heilig met Yeshua." Ek was gewys dat ek vir die agterkant van die groep se harte moes bid, die plek wat gesimboliseer het waar "intimiteit" plaasvind. Yeshua was besig om op te stel wat Hy wou hê.

Die groep het 'n sirkel gevorm en ek het rondom hulle geloop terwyl ek vir hulle bid ten opsigte van die agterkant van hul harte en "intimiteit met Yeshua", wat die deel van die Hebreeuse huwelik was wat steeds moes manifesteer.

Skielik het die Heilige Gees gesê: "verklaar hulle man en vrou", wat te make het met die heidense manier van trou. Hier was hulle in 'n sirkel, wat verbond verteenwoordig en die Heilige Gees het saggies aanhou sê: "verklaar hulle man en vrou." Onmiddellik het oorweldigende gedagtes na my toe gekom, net soos gebeur het toe Elohim die Satan aan my openbaar het. Gedagtes, oor en oor, van: "Wie dink jy is jy? Geen mens kan die mens en Elohim getroud verklaar nie! Jy's van jou kop af..." Ek het die woord "oorweldigend" gebruik omdat dit oorweldigend was! Ek het probeer om hul nie toe te laat nie, maar die Satan was op die toneel en hy wou nie dat hierdie **uitbeelding** plaasvind nie. Wat 'n stryd van die verstand! Ek het geweet dat dit 'n vestiging in die geesteryk was en ek het daarin geslaag om hul man en vrou te verklaar, maar ek reken dit was "skaapagtig" gedoen. Toe is die Ramshoring geblaas!

Die gedagtes wat Satan my mee bombardeer het, het bly steek, maar toe praat Yeshua later daardie week met my: "Johannes die Doper wou My ook nie in water doop soos Ek vir hom bestem het nie. Ek het jou gekies om die seremonie te verrig, om ons man en vrou te verklaar. Dit moes op aarde gevestig word." Met hierdie ervaring, het ek op die volgende vergadering vrymoedig voor die groep gestaan en hul man en vrou verklaar. Jy kan sien deur wat Yeshua gesê het, dat ek nie nodig gehad het om dit te doen nie; dit was reeds gedoen. Dit moes op aarde gevestig word. Die belangrike ding hier is dat die heidense uitbeelding op aarde gedoen was. Nog iets om na op te let is dat die heidense tipe aankondiging van die huwelik tydens pasga moes plaasvind – dit het!

Die Twee Word Een in die Hand van YHWH!

**Dit gaan oor die Allerheiligste.
"Ek gaan iets aan jou bekend maak
wat niemand nog ooit geweet het nie;
'n Prent, 'n Bevestiging,
Enkele Protokols.**

**Al Hierdie is Ernstig, en Nie om Ligtelik Opgeneem te Word
nie!"**

Dit gaan oor die Allerheiligste...

29 April 2005, tydens die week van Pasga toe die *Eerste Bruilofsfees van die Lam* plaasgevind het, het die wagter die woorde: “**Heilige eg verbinding**” gesien. Sy het gesê: “Dit is waarlik heilig met Yeshua.” Ek was gewys dat ek vir die agterkant van die groep se harte moes bid, die plek wat gesimboliseer het waar “intimiteit” plaasvind. Ons het geen idee gehad wat Yeshua sou bekendmaak oor intimiteit met Hom nie!

In hierdie artikel sal jy leer van die intimiteit wat Yeshua met ons wil hê tydens ‘n vergadering. Dis deel van die intimiteit wat die Getroude Bruid met Yeshua het, wat ander (die gaste) nie het nie. Die volgende is ‘n opname van gebeure wat ons gelei het om te verstaan wat Yeshua wou hê dat ons moes beleef.

Ons het ander geleer om *Goue Vergaderings* te hou en het wonderlike verslae gekry van enkelinge, sowel as groepe, wat *Goue Vergaderings* met Yeshua gehou het. Ek het Yeshua aanhou soek vir begrip, as gevolg van die skrifgedeelte in **Mattheus 18:20** *Want waar twee of drie in my Naam vergader, daar is Ek in hul midde.*

Op **27 January 2008** het Yeshua my eindelijk geantwoord en gesê: “*Dit gaan nie oor daardie skrifgedeelte nie, dit gaan oor die Allerheiligste!*”

Daar is ‘n reuse **verskil** tussen Yeshua wat in die midde van mense is tydens ‘n vergadering en mense wat in Yeshua is tydens ‘n vergadering. Omtrent tien dae later het Yeshua vir my ‘n sekere toneel laat sien. Daarna het ek besef dat Hy met my deel oor die *Een Nuwe Mens* en die *Allerheiligste*, want Hy het met my gepraat oor die *Allerheiligste*. Soos aangeteken:

7 February 2008

Ek het gekyk na ‘n tenk en een of ander klein deel van ‘n menger, soos van ‘n draagbare meulmenger. Dit het ‘n kombinasie-kop gehad. Dit het beweeg, asof deur ‘n veld en het alles gelyk gedoen – insluitend die oes (nie normaal nie). Ek het sojaboon-meel op een punt gesien, asof dit by die mengsel gevoeg sou word. Hierdie masjien was besig om die graan te oes en tot ‘n finale produk te verfyn, alles tegelyk! (Onthou hierdie deel van die toneel, want ons sal later daaroor praat.)

Toe verander die toneel en ek sien die Ou Testament aan die linkerkant en die Nuwe Testament aan die regterkant. Hul was saamgevoeg, asof om een te word. Ek het 'n vierkant van verbonds-rooi gesien en terwyl ek gekyk het, is vir my gesê dat die twee testamente een word tydens 'n vergadering. Die Nuwe en Ou Testament waarna ek gekyk het, was in 'n vergadervertrek en dit het voorgekom asof die Ou en Nuwe Testamente die vertrek gevul het. Daar was pilare in die toneel... (Hierdie toneel is 'n prent van die twee houte wat een word in Yeshua se hand, soos gevind in Esegïel 37.)



Omdat Yeshua nou openbaar het dat *Goue Vergaderings* (in Hom) te doen gehad het met die Allerheiligste, het alles wat Yeshua ons tot op daardie stadium geleer het, skielik baie meer sin gemaak.

Ek het besef dat Elohim die tempel simbolies gebruik het om ons iets te leer. Die gedagte van die Heiden en die Judeër wat "een" gemaak word in Sy hand het verstaanbaar geword. Die protokolle wat in die tempel gevind word, veral om in die Allerheiligste te wees, is nodig vir intimiteit met Yeshua in 'n vergadering. Yeshua het vir my gesê, **"Die Hoëpriester het fisies in My ingeloop!"** Ons het almal geweet dat dinge reg gedoen moes word, of die priester was dood. Dus kan ons die belangrikheid sien van om dit reg te doen wanneer ons Yeshua binnetree in 'n *Goue Vergadering*. Ons het meer as een maal gevind dat as ons klets en nie aan stilte vashou soos ons tydens 'n vergadering behoort nie, ons nie in Hom was nie. Hy kan nie Sy liefde aan ons betoon soos Hy openbaar het dat Hy wil nie en al wat ons gehad het was 'n Heilige Gees vergadering, 'n vergadering waar Yeshua in ons midde was, nie ons in Hom nie!

Esegïel 37 praat van die twee houte van Juda (Judeërs) en Efraim (verheidense Israel) wat een hout word in Yeshua se hand. Hierdie "om in Sy hand te wees", met die protokolle wat korrek is, is bloot 'n voorstelling van Yeshua wat enige tyd met die korporatiewe vleklose bruid kan doen wat Hy wil. Ons het dit in aksie gesien; dit is 'n realiteit en dit werk!



Dit is iets wat aangeleer moet word en verg oefening om te vervolmaak. Hy word die *Hoofaanvoerder* wat 'n leëleenheid fyn op Hom ingestel het.

“Ek gaan iets aan jou bekend maak wat niemand nog ooit geweet het nie...”

Die volgende wat Yeshua met ons gedeel het, was oor die “Reukofferaltaar”, wat in die tempel die naaste voorwerp aan die Allerheiligste is. (Onthou jy beweeg tot in Yeshua en dit verg stilte!) Jy moet by die “Reukofferaltaar” verby beweeg om by die Allerheiligste in te gaan. Dit mag die beste wees om daaraan te dink as “Die Deur”. Yeshua het vir ons gesê dat Hy ons iets sou vertel wat niemand weet nie. Ons het nie geweet wat om te verwag nie!

Eenvoudig gestel: Yeshua het openbaar dat die reukwerk vanaf die “Reukofferaltaar” nie ons gebede is nie, maar eerder ons stilte. Gedurende daardie stilte moet ons dit wat Hy ons gee, ophef terug na Hom toe. Wat Hy vir ons gee en ons gewilligheid om dit terug te gee, om korrek op Hom te reageer, is van uiterste belang. Hierdie interaksie, in ons stilte, is intimiteit met Yeshua en die resultaat is ‘n voltooide prent, ‘n voltooide sin, ‘n voltooide gedagte deur Hom voortgebring. Dit is waaroor die toneel van die meganiese masjien gegaan het wat die graan geoes, voorberei, die nodige bestanddele bygevoeg en ‘n voltooide produk produseer het, alles gelyk. Later sal ek ‘n paar eenvoudige voorbeelde gee van wat kan gebeur, maar hier deel ek ‘n toneel wat vir my gegee is toe ek begin verstaan het waaroor ek gepraat het.


‘n Prent, ‘n Bevestiging

6 Mei 2008

Ek het gekyk na ‘n reuse tregter in die geesteryk. Dit moes ‘n valdeur in die bodem hê en ek moes dit bou. Ek het ‘n rol van swaar metaal bokant die opening gesien, so wyd as wat nodig was en dit het net reg uitgerol om die deur te vorm.




Toe het ek opgewonde geraak, terwyl ek gekyk het na die valdeur, wetende hoe om die kabel op te stel wat dit sou oopskuif. Ek het die katrolle en kabel op die tregter geplaas, en begin by die eindpunt waar iemand



die valdeur moes oopmaak. (Die prent is met die valdeur toe.) Ek was besig om die kabel korrek aan die tregter te ryg sodat iemand die valdeur kon oopskuif om die tregter se inhoud uit te laat. Ek het in volgorde gesien hoe alles saam uit die tregter gelaat is.

Soos die toneel voortgerol het, was dit onthul waar die valdeur versterking nodig gehad het en in plekke gesweis moes word sodat die kabel behoorlik vasgeheg kon word. Ek het twee groot vere aan die agterkant van die valdeur gesien en hoe



hul aangeheg moes word. Hul moes die valdeur weer toeskuif. (Die prent langsaan is met die deur oop.) Ek het al die sweiswerk gesien wat gedoen moes word en dit was in werklikheid gedoen terwyl ek gekyk het. Die valdeur moes deur iemand oopgemaak word wat krag sou moes gebruik om dit dan oop te hou, of dit sou weer toegaan. Dit het ook volgehoue inspanning vereis om wat ook al in die tregter was, met tyd uit te kry. Jy kon die valdeur nie net oopmaak en maar net oop los om al die inhoud uit te laat nie. Volgehoue, konstante inspanning is een van die boodskappe in hierdie toneel.

Die tregter self was onsigbaar in die geesteryk, maar die valdeur, die katrolle, die kruk en die kabel was alles fisies. Dit het beteken dat die deur en die meganika van hoe dit oopmaak, in die natuurlike realm is. Ons moet fisies die werking van die deur korrek toepas om die ontsaglike hoeveelheid dinge wat Elohim vir ons vanuit die geesteryk wil gee, te ontvang. Hierdie tregter was massief, baie groter as hier uitgebeeld.

Die valdeur wat in die fisiese manifesteer, het betrekking op wat hier gesê is oor die *Reukofferaltaar*, nl. die stilte en opheffing terug na Yeshua – dit wat Hy vir ons gee.

Die meganika van die oophou van die deur is om die stilte te handhaaf en terselfdertyd slegs te reageer op wat Hy gee. Dit verg inspanning van ons kant omdat die vleeslike verstand vyandig teenoor Elohim is. Moenie praat oor wat jy dink van iets wat geopenbaar is, terwyl die stilte heers nie.

As eenvoudige voorbeeld van die vleeslike verstand: In 'n *Goue Vergadering* op **2 April 2008**, het ek deur die wagter verskeie woorde ontvang en daaronder was die volgende: **"Bereken die koste."** Ek het gedink, "Yeshua, ek dag ek het reeds die koste bereken om U te dien. Wat op aarde beteken hierdie?" Ek het egter nie dit wat ek gedink het toegelaat om in te dring by die interaksie tussen my en Yeshua nie. Ek het al die woorde wat Yeshua vir my gegee het, na Hom opgehef en gevra vir helderheid. Die hele groep was op Yeshua gefokus vir iets meer van Hom af ten opsigte van al die woorde wat Hy vir my gegee het. Yeshua het op al die woorde reageer, maar ek wil onderskeid tref met wat Hy openbaar het oor **"Bereken die koste."** Hy het gesê: **"Ek sal finansier."** Ek het besef dat wat ek verstaan het onder **"Bereken die koste"** nie eens naby Yeshua se gedagtes was nie!

Ek het hierdie met julle gedeel omdat dit belangrik is om wat Yeshua vir ons gee weer op te hef na Hom toe vir Sy verklaring en om nie op ons eie begrip te steun nie, anders sal ons Elohim se gedagtes mis. Nadat ons hierdie patroon geleer het, het ek een keer dertien verskillende woorde getel wat vir my gegee is, omdat ons die jongste Woord wat Yeshua gegee het elke keer weer opgehef en daarop reageer het! Ons het bloot **die moeite gedoen** om die deur oop te hou, soos in die "trekter in die geesteryk toneel" uitgebeeld, deur ons gedagtes op Yeshua gefokus te hou en op elke Woord wat Hy gegee het, te reageer. Die Heilige Gees het ons eenvoudig die **metode** gegee van hoe om alles te kry wat Yeshua op 'n spesifieke tyd wil gee.

Sommige Protokolle om 'n prent te vorm:

Stilte het te doen met die Heiligheid van Yeshua en is nodig vir ons om in Hom te kan wees!

Kletsery tussen lede van 'n eenheid sal die atmosfeer bederf wat nodig is om in Yeshua te wees.

Ons moet luister (as 'n korporatiewe liggaam) en dan op 'n ordelike wyse verslag doen oor die woorde wat ontvang is. Wanneer daardie ontvangde woorde weergegee word, moet een persoon op 'n keer dit doen en die hele korporatiewe liggaam moet gefokus wees op wat Yeshua gesê of openbaar het.

Korporatief

As daar 'n woord vir die korporatiewe liggaam self is, lig in reaksie die woord op na Yeshua toe. Almal is gefokus op dieselfde ding. Dit geld vir wat ook al Yeshua in daardie oomblikke besig is om te doen. Onthou, Yeshua het gesê, “**Jy kan nie met My getroud wees sonder om gefokus te wees op dit waarop Ek gefokus is nie.**”

As Yeshua instruksies gee om iets in “geestelike oorlogvoering” uit te beeld, (die aksie te doen) moet almal in die eenheid onmiddellik reageer en die instruksies as 'n eenheid volg. As een persoon nie saam met die eenheid beweeg nie, is daar geen “samesmelting” (fusie) soos in die prent uitgebeeld nie. Yeshua het herhaaldelik vir ons gesê dat ons EEN is. Ek het eindelijk besef dat Yeshua sy Getroude Bruid as “een” sien, dus moet sy as een beweeg. Ons het gevind dat dit hoofsaaklik wentel rondom vergaderings en om oombliklik daartydens gehoorsaam te wees.

Individue


Dieselfde patroon geld vir individue in die eenheid. Hef die woorde wat gegee is op wanneer hulle gegee word (bid/luister; lewer verslag; bid/luister; lewer verslag – sonder kletsery en inmenging van ons eie gedagtes). As Yeshua toon dat iemand byvoorbeeld moet “dans”, dan moet die persoon dans! Dit is geestelike oorlogvoering vir daardie persoon. Dit is gewoonlik om iets voort te bring – nie noodwendig dans nie. Dit gaan oor totale oorwinning vir die persoon ten opsigte van dit waarmee Yeshua in hom/haar besig is. Totale gehoorsaamheid bring totale oorwinning.

Sommige mense is huiwerig om hierdie tipe dinge te doen tydens 'n vergadering onder leiding van Yeshua. Hulle voel simpel. Die man in die Bybel wat nie die rivier wou binnegaan vir sy genesing nie, het waarskynlik simpel gevoel om dit te doen. Maar kyk wat het gebeur toe hy oorreed is om dit te doen! Moenie huiwer om so iets te gehoorsaam nie, want jou oorwinning is in die daad, omdat geloof 'n daad is (werke), anders is dit dood.

As 'n deel van die eenheid moet jy versigtig wees in alles wat jy doen. Plaas 'n wag voor jou mond en reageer korrek op Yeshua so goed jy kan. Dit is 'n proses en Yeshua sal jou meer leer oor wat klets werklik is. Onthou, die *Allerheiligste* is 'n plek waar die geboorte gehou word, waar die *Verbondensark* is. Dit is 'n baie wetlike plek, vol protokolle om na te kom. Dit vereis nederigheid sonder “self” om maar net naby dit te kan kom.

Klets - Die Rivier

Die volgende is net 'n vlugtige blik van dinge wat op “klets” neerkom. Klets veroorsaak 'n versteuring, 'n onderbreking, of selfs 'n skeiding in die natuurlike gladde vloei van die *Rivier van Lewe* in 'n vergadering. Ek het die volgende toneel voorberei omdat Elohim ons jare gelede gewys het dat die *Rivier van Lewe* deur die middel van die vergadering vloei. Dit het uitgekóm tussen die twee kolomme wat Yeshua se troonkamer verteenwoordig en van onder die gordyn, wat die gordyn voor die Allerheiligste voorstel. Ons moes daarin klim, almal van ons, as 'n korporatiewe liggaam.



Dit is moontlik om 'n deel te mis van die inligting aangaande 'n Element wat met die Rivier afkom.

Op 11 Junie 2008 het Yeshua gesê: “Wees versigtig wat julle sê en hoe julle dit sê. Dit kan 'n rimpeling veroorsaak wat meer kwaad as goed sal doen.” 'n Rimpeling waarin? In die glad vloeiende Rivier! Yeshua het openbaar dat dit skade kan doen.

Klets is basies enigiets wat onnodig gesê word van items op Yeshua se agenda wat tydens 'n vergadering andersins glad soos 'n rivier vloei.

Iets wat deur onself voorgestel word, sonder dat Yeshua opdrag gegee het daarvoor, is beslis nie aanvaarbaar nie, omdat dit Yeshua se besigheidsvergadering is.

* Moenie enige “saak van die Gees” ligtelik opneem nie! Dit beteken moenie lag oor iets wat snaaks lyk nie.

* Moenie giggel oor iemand se situasie in die vergadering nie. Die “sake van die Gees” was gegee vir ‘n ernstige doel.

* Om opdragte ligtelik op te neem sluit ook in om te weier om te doen wat Yeshua ons persoonlik, of deur iemand anders in die eenheid, wys om te doen.

* Moenie murmureer of selfs net saggies in jouself kreun oor iets wat jy beveel is om te doen nie. Dit is “self”. Jy vestig aandag op jouself en weg van Yeshua se agenda! Dit gebeur baie maklik.

* Yeshua het gesê dat ons moet aandag gee. Klets vernietig hierdie vermoë as ‘n korporatiewe eenheid. Yeshua het gesê, “Kom saam in gedagtes, woord en daad.”

* ‘n Mens moet altyd bewus wees van die korporatiewe groep en heeltyd korporatief luister. Yeshua het gesê dit is die klein dingetjies wat die vyand inlaat – wat vernietig waarmee Hy besig is.

* Moenie iets sê soos: “Ek wou nie hierdie deurgee nie, maar...” Dit is “self”! Jy vestig so aandag op jouself, om almal se fokus van Yeshua se fokus weg te trek!

* Moet geen onnodige geraas maak nie. Jy is in Yeshua en die atmosfeer is die atmosfeer van die Allerheiligste.

Yeshua het jare gelede vir Roy hulle gewys dat hulle nie op enige spesifieke wonderwerk in ‘n vergadering gefokus moet raak nie, maar om vorentoe te kyk, met die rivier langs, op die *Goue Weg*, vir wat Yeshua volgende gee. Jy kan uit die prent op die vorige bladsy aflei waarom. As ons klets oor ‘n item, verhinder dit wat Yeshua volgende wil voortbring. Klets kan selfs veroorsaak dat ons ‘n item, of inligting ten opsigte van ‘n item in die rivier kan mis en dan dryf dit by ons verby. Dit kan gebeur wanneer ons aandag afgetrek was deur kletsery. Ek het dit al tevore duidelik opgemerk en was self ook daaraan skuldig. Ons wil tog alles hê wat ons uit

die rivier kan kry, daarom moet ons daarmee saamvloei so goed ons kan. Maar dit moet aangeleer word!

Dié ding is ernstig en moenie ligtelik opgeneem word nie!

Alles oor Goue Vergaderings en intimiteit is ernstig! Eenmaal het Yeshua vir ons hierdie woorde gegee: **“Toegang.”** Wat bedoel U? het ons gevra. **“Deur.”** Watter deur? **“MY troonkamer.”** Enigiets anders daarvoor? **“Gaan in op jou eie risiko”.**

Yeshua het vir ons gesê om te **oefen** sodat ons soos ‘n enjin is wat glad loop. Alles moet volmaak funksioneer om ‘n enjin te hê wat glad loop met krag. Hy was bloot besig om ons te wys op ‘n manier wat ons kon verstaan.

29 Junie 2008

Deur die wagter aan Yeshua: Wat sê U op hierdie oggend? **“Waag om te volbring.”** Waarom sê U so? **“Omdat julle na die verste uithoeke moet gaan.”** Enigiets anders hieroor? **“Nie vandag nie.”** Watter ander Woorde het U vir ons vandag? **“Kry dit bymekaar.”** Gebid en gesien: **“Slim keuses.”** Gebid vir ons intelligensie en gesien: **“Silinder.”** Toe vra sy dat ons op al ons silinders vuur (soos in ‘n motorenjin). Enigiets anders rondom silinder? **“Oefen.”** Sy het gewonder hoe dit was en het gesien: **“Dringend.”**

(Hoe ‘n silinder werk: daar is ‘n kamer wat die suiers in ‘n enjin bevat. Die beweging van die suier op en af, of heen en weer, veroorsaak die draai of rotasie van die krukas. As ‘n suier nie vuur nie, verloor die enjin krag.)

Yeshua het ons vertel dat ons, van waar ons was met vergaderings as ‘n eenheid, na die verste uithoeke moes gaan en dat dit dringend was! Ons kan baie onder die hand van YHWH as ‘n eenheid bereik. Kyk net na die slag van Jerigo!

Yeshua het gesê, **“Waag om te volbring”.**
Ek laat jou met hierdie woorde en ‘n prent.



Stuur aan die Enkel Beker!



In die artikel, *Verslag oor Gebeure in en om die Eerste Bruilofsfees van die Lam* het ek die feit genoem dat Yeshua gesê het Nagmaal sou verander. Die volgende is 'n opname van gebeure ten opsigte van die verandering aan Nagmaal wat Yeshua met my bespreek het

voor *Die Eerste Bruilofsfees van die Lam*. Die Enkel Beker is iets wat Yeshua opgehaal het of begin ophaal het gedurende die Feesvergaderings. Dit is beslis 'n pragtige, verstaanbare prent. 'n Prent met Yeshua se doelwitte daarin. 'n Prent wat Hy wil hê Sy mense moet verstaan. Dit is belangrik om te weet wat gebeur het!

Om die Prent te Begin:

4 Maart 2005, in 'n Oase vergadering was ek besig om te bid oor wat ons daardie aand met Nagmaal moes doen en toe hoor ek, **"Daar is iets anders oor Nagmaal"**. Dit het nie noodwendig beteken dat ons daardie aand iets anders moes doen nie. Toe hoor ek, **"Laat dit vandag bekend wees, laat dit vandag bekend wees."** Toe het ek geweet dat iets op pad was wat verskil het rondom Nagmaal.

By die vorige Pasgavergadering op **29 April 2005**, het Larry Clark van hierdie liggaam gerapporteer dat Yeshua met hom gedeel en gesê het dat ons die Enkel Beker moes gebruik en nie die brood nie – dat ons nie meer die brood gebruik nie. Ons moet hierdie brood en hierdie beker as die ou manier opsy sit. Dat die Bruid haar Man ken en nie dinge hoef te doen om Hom te onthou nie! Toe lees hy die volgende wat op **24 April 2005** vir ons gegee is deur die skriba in New York:

Drink julle alles daarvan

Almagtige Vader, Koning van die Heelal, Grote Verlosser, O Heilige Een, groot dank aan U vir die Beker van Yeshua, die Beker van die Man en die Bruid... die Beker en die grootheid van U krag... die Beker en al die dinge wat daarmee saamvloei... al die dinge in lyn met en aan die Beker geheg. Halleluja! Selfs vir die dinge wat volgende kom...

O Vader, in die Kosbare Naam van Yeshua, die Beker word hoog gehou, die Beker word hoog gehou te midde van harte wat aan U toegewy is. Die verpligtings rondom die beker... die ede van die beker; vir al die dinge wat saam met die beker vloei, wat op die beker volg, o Yahweh, in die Naam van Yeshua, vereer ons U soos ons al 'n bietjie sterker staan, Elohim, 'n bietjie sterker in Yeshua... Versterk ons verder! Ek bid o Vader, vir die dinge wat die beker volg en ons beskerm; lei en rig in die Dae van die Bruid en in Haar Bediening aan U, want U is Heilig en U beker is Heilig, Geseënd Is U Naam vir altyd, Regverdige Elohim.

Toe Larry, nagmaal bedien het met slegs die Enkel Beker, het hy gesê dat hy aanbied wat hy ontvang het en bevestiging van Yeshua gesoek het. Dus het ons almal ooreengekom om vir daardie bevestiging te soek.


Tyd het verloop en ons was heeltyd gereed vir meer inligting van Yeshua af, terwyl ons nogtans aanhou gehoorsaam het sonder dat ons behoorlik verstaan het. Toe, op **17 Junie 2005**, terwyl Larry die nagmaal bedien het, was een van die dinge wat hy gesê het: **“HY soek vir diegene wat Sy beker onbeskroomd vorentoe sal neem, met trots in Sy Naam.”**

Ons het *tevore* die ‘Enkel Beker’ tydens nagmaal gebruik deur daaruit in individuele glasies te gooi. Ek was redelik sprakeloos en het gehoop vir bevestiging, “’n saak van die Gees”, om die verandering na **slegs die Enkel Beker** (sonder individuele bekere) te bevestig. Tydens ‘n vergadering op **21 Oktober 2005** het Yeshua vir my gesê wat om te sê tydens nagmaal met die Enkel Beker. Dit het aan ons die rede verstrekkend vir wat Hy met ons gedoen het.


Yeshua het vir my gesê: **“Julle verklaar, deur uit hierdie Enkel Beker te drink, dat My heerskappy en regering op aarde begin het. Dit is ‘n plegtige verklaring.”**

Ek het hierdie inligting met ‘n paar mense buitekant hierdie bediening gedeel en toe het ‘n persoon wie ek XXX sal noem, sterk weerstand gebied teen wat ons gelei is om te doen. Na dit gebeur het, het Yeshua vir my die volgende visioene gegee.

'n Toneel vanuit die Ruimte gesien op 10 November 2005




Ek het twee sfere gesien met 'n rooi lyn tussen hulle soos aangetoon. Iets het beweeg.



Toe kyk ek na die twee sfere van bo af

Yahshua het gesê: **XXX Verstaan hierdie**
maar hy verstaan nie hierdie nie

Toe sien ek die glas gemeenskap (nagmaal) beker wat ons gebruik vir die Enkel Beker gemeenskap/



Hierdie is 'n voorstelling


Die Enkel Beker wat ons gebruik is feitlik deurskynend met 'n blou skakering

Wat Roy gesien het, was dieselfde beker, maar met 'n goue skakering en die sonnestelsel Was in die beker. Roy kon Saturnus uitken.

Toe ek die inligting rondom hierdie tonele opgeneem het, het ek geskryf dat Yeshua aangedui het hoe XXX nie die diepte geken het van wat Hy, Yeshua, besig was om te doen nie. Dit is deel van Yeshua se gevegsplan! Dit is duidelik dat Vader my weerhou het van huiwering in wat Hy ons beveel het om te doen, terwyl Hy terselfdertyd ons die erns begin wys het van wat ons gedoen het.

Hierdie tonele wat op daardie punt vir my gegee was, is in werklikheid nog 'n voorstelling van wat in die *Weë van Elohim* artikel verduidelik was. Kyk na hierdie prent.

En wat jy ookal op die aarde losmaak **sal wees**, en is alreeds losgemaak in die Hemel.



Dit is spesifieke oorlogvoering deur Yeshua beveel en Hy het vir my gesê:

“Elke keer wat julle die Enkel Beker gebruik, is dit soos om eenmaal rondom Jerigo te loop!”

Ek moet byvoeg: “Elke keer wat julle die Enkel Beker korrek gebruik.” Yeshua moes met ons deel rondom stilte tydens die gebruik van die Enkel Beker, omdat dit stilte is wat met Hom te doen het; die stilte wat nodig was voor die slag van Jerigo. Die probleem wat ons in die Samesmelting (fusie) artikels gehad het, was dat ons nie die totale stilte gekry het wat korporatief nodig was terwyl die “Enkel Beker” gebruik was nie! Onthou nog ‘n faktor: Yeshua het gesê dat die gebruik van die Enkel Beker ‘n plegtige gebeurtenis is.

“Julle moet verklaar (bevestig), deur uit hierdie Enkel Beker te drink, dat Sy heerskappy en regering op aarde begin het. Dit is ‘n plegtige verklaring.”

Kortliks het Yeshua vir ons die Beker in stilte laat gebruik, tensy Hy iemand iets gee om te sê. Met tyd het Yeshua baie verskillende instruksies gegee oor hoe om die Beker tydens vergaderings te gebruik. Ek onthou dat die ramshoring ook eenmaal gebruik was tydens ‘n verklaring.

21 Maart 2008

In ‘n byeenkoms het ek skielik die Enkel Beker gesien wat ek tevore gesien het met die heelal daarbinne. Dit het vorentoe beweeg in die lug, met rook wat uit die bokant kom en agtertoe stroom.



Daar is vir my gesê: “Stuur die Enkel Beker met vuur vooruit. Laat dit die weg brand. Ek is hier om die dinge daarin voort te bring. Ek is hier om MY Bruid voort te bring. Die tyd is nou. MY mense hoef nie langer te wag nie. Baie het gesmag na so ‘n tyd. Dit is tyd, dit is tyd! Stuur nou die Enkel Beker voort!”

Bywoning van die Huweliksfees van die Lam

Openbaring 19:9 *Toe sê hy vir my, skryf: Salig is die wat genooi is na die bruilofsmaal van die Lam. En hy sê vir my: Dit is die waaragtige woorde van Elohim.*

Hier sê YHWH: *Salig (geseënd) is die wat genooi is na die bruilofsmaal van die Lam.* In die volgende openbaar Elohim 'n voorstelling ten opsigte van wat nodig is om die huweliksfees te mag bywoon. Ons moes ervaar hoe Yeshua ons beveel om iemand uit die Goue Vergadering te verwyder wat 'nie korrek geklee' was nie, net soos in die *Gelykenis van die Huweliksfees*. Ons moet begryp dat dit moet gedoen word oor wie Yeshua is, **Sy Heiligheid** en die byeenkoms wat **in Hom** plaasvind.


'n Toneel wat gegee is oor die vereistes om te mag bywoon, **Saterdag, 6 Junie 2009**: Ek het gekyk na vierkante met betrekking tot die huur van 'n kamer in 'n hotel om 'n troue by te woon.

Mense wat die troue sou bywoon moes 'n kamer in hierdie plek kry. Ek het aanvanklik nie die hele prent gesien nie en het gekyk na die boonste twee of drie vierkante. Ek het die vierkante wat vertrekke in die hotel verteenwoordig,

genommer vir duidelikheid, behalwe die Bruidgom se kamer. Soos ek na die twee of drie boonste vierkante gekyk het, is daar vir my gewys dat die boonste vierkant die Bruidgom se kamer was en dat niemand anders daar kon bly nie. Slegs Hy kon. Ek is daarop gewys dat gekies moes word tussen blok 1 en blok 3. As 'n persoon besluit het op vertrek 1, sou blok 2 en die vereistes betrokke, daarmee saamgaan. **Daar was geen ander keuses in die saak nie.** Die toneel het afbeweeg en ek het nommer 3 gesien, die vertrek wat 'n persoon kon kies in plaas van vertrek nommer 1.

Die toneel het verder afbeweeg en ek het 'n vertikale lyn van blokke gesien tot by no. 6, wetende dat as 'n persoon besluit het

Om die huwelik by te woon moet 'n persoon in hierdie Motel of Hotel bly



om in die nommer 3 vertrek te bly, blokke 4, 5 en 6 en die vereistes m.b.t. hulle, daarmee saamgaan. **Daar was geen ander keuse in die saak nie!** Toe sien ek die hele prent, insluitend die vierkante regs van nommer 5 en ek het geweet dat as 'n persoon die nommer een vertrek gevat het, het alles onder dit, blokke 2, 4, 5 en 6 daarmee saam gekom. In die toneel is daar vir my gesê dat die ry vierkantige blokke regs van no. 5 die Vloeidiagram was. Op hierdie punt het ek gesê, "Sjoe, dit behels meer as 'n toneel oor die huur van kamers vir 'n troue!"

Toe ek uit die toneel gekom het, het ek geweet dat blokke 4, 5 en 6 die drie hoof vlekke op die aardse Liggaam van Yeshua was wat oorspronklik deur Hom openbaar is en dat hulle van Sy Liggaam af verwyder moes word. Hulle moet weg wees uit ons lewens as ons in kamer 3 wil bly, wat die kamer is vir die gaste in die *Gelykenis van die Huweliksfees*. Die toneel openbaar duidelik dat ons geen ander keuse in die saak het nie. Vanuit verdere inligting reeds verskaf, weet ons ook dat mense wat in kamer 3 bly, Goue Vergaderings moet hou, of dit ten minste begryp.

Ek het geweet dat kamer no.1 vir die Bruid was en dat blok nommer 2, saam met blokke 4, 5 en 6 almal nagekom moes word, om kamer een te kan huur. Die toneel wys weer eens dat ons geen ander keuse in die saak het nie.


Dit moet verstaan word dat 'n persoon vertrekke no. 1 of 3 moes huur of daarvoor betaal. (Dus sou dit 'n persoon kos om in hulle te bly. Dit sal m.a.w. tyd en "self" kos om Yeshua se weë te volg en ons ou weë te verlaat. Dit verg dus inspanning aan ons kant.)

Ek het ook geweet dat blok nommer 2 'n klomp kleiner ronde prentjies bevat wat reeds deur Yeshua openbaar is. Hy het na hulle verwys as "elemente". Die hoofelement wat ek hier wil noem is "stilte" as gevolg van Yeshua se Heiligheid en die "meganika van die intimiteit" wat Yeshua met Sy mense wil hê. Onthou, die gaste het nie die intimiteit met Yeshua wat die Bruid het nie en Hy ag hulle nie 'n "Een" persoon manifestasie soos die Bruid nie. Dit is bloot omdat hulle nog nie so heg saamgevoeg is nie. Die Bruid is die manifestasie van een liggaam, saamgestel uit baie dele wat almal nou saamgevoeg is, funksionierend volgens die opdrag van die Hoof, wat Yeshua is. Dit word alles aangeleer; stilte en meganiese intimiteit word aangeleer.

Elohim het voortgegaan om 'n prent te skep van stilte en die belangrikheid daarvan om in Hom te kan wees. Soos Hy openbaar het, is dit omdat Hy ten volle en waarlik Heilig is. Yeshua wil hê ons moet verstaan want Hy soek hierdie intimiteit met Sy Bruid. Hy wil hê almal van ons moet geestelik in Hom opgroei.

Efesiërs 4:15 ...maar, terwyl ons in liefde die waarheid betrag, in alles sou opgroei in Hom wat die Hoof is, naamlik Christus...

Die volgende prent sal ons help om meer te verstaan oor die elemente in blok no 2. Ook sal ons dan beter verstaan van Yeshua se Heiligheid, asook die belangrikheid ten opsigte van die stilte en intimiteit van 'n korporatiewe liggaam wat in staat is om in Hom as 'n enkel persoon, Sy Getroude Bruid te wees. (Ter illustrasie wil ek jou herinner daaraan dat in 'n huwelik, twee een word. Yeshua is die hoof en ons maak dele uit van die Liggaam van Yeshua. Dit maak nie saak of jy 'n hand of 'n voet, of wat ook al is nie, die hele liggaam beweeg glad soos die hoof beweeg of beveel. Ek wil jou wys op die samesmeltingstoneel waar die korporatiewe liggaam eintlik in Yeshua ingesmelt het, om sodoende een te word vir 'n tydperk, vir Sy doelwitte.)




'n Illustrasie van “een liggaam” stilte:

Yeshua het gesê die rede vir stilte is omdat Hy Heilig is. Hier volg 'n weergawe van hoe Yeshua ons tot korporatiewe stilte gebring het. 'n “Een-liggaam” stilte. Yeshua het vir ons gesê dat dit wat Hy van ons gevra het, moeilik sou wees en dit was ook, soos jy sal sien:

Yeshua het openbaar dat ons 'n geklets en 'n gekletter in ons korporatiewe stilte gehad het, wat ook van toepassing was op ons gedagtes gedurende die stilte. Ons het 'n stryd daarmee gehad tot Yeshua eindelik vir ons gesê het dat Hy vir die wagter die byeenkoms se agenda sou gee.

Algemeen patroon van Koninklike Hof



Ek het 'n naggestig gehad om dit te bevestig.

In dié toneel het ons groep op die vloer van 'n reuse troonkamer gesit (in oudiënsie met Yeshua). Buite om die rand was ander groepe agter die hoofvloer (hulle het gepraat en hul eie ding gedoen (geen oudiënsie met Yeshua)). Ek het ons wagter gesien opstaan en vir instruksies met die trappe op na die troon stap.

Hierdie toneel het sin gemaak, want in 'n Koning se Hof het die Koning sekere mense aangestel wat Hom enige tyd kan nader. Nie sommer almal in die kamer kan dit doen nie.

Op **18 Maart 2009**, het die wagter ook 'n gesig gehad van om na die troon te loop, wat verdere bevestiging was. Sy het gesê dat nadat sy instruksies van Yeshua ontvang het, het sy agteruit van die troon af wegbeweeg – nog 'n voorbeeld van die respek wat vereis word.

In die volgende byeenkoms, terwyl ons gewag het vir die wagter om die agenda te ontvang, het ek 'n kykie gehad op die stilte en die verbasende “orde”, teweeggebring deur een persoon wat die agenda ontvang. Ek het onthou dat Yeshua gesê het: **“Ek soek orde in My Gemeente!”** Niemand van ons mog vrae gevra het nie, selfs nie vir die agenda nie. (Die wagter het gesê dat sy nou glad nie meer vir die agenda vra nie; dit kom nou tydens die stilte soos Yeshua wil.) Ons moes slegs op Yeshua fokus, terwyl ons wagtend luister, niks meer nie. (Yeshua het dit vir 'n persoon gesê wat gesukkel het om haar gedagtes stil te kry en te luister.) Ons gedagtes moes in Hom wees, gereed om onmiddellik te reageer op wat ook al Yeshua openbaar het. Dit is deel van die meganika van intimiteit, om altyd op een of ander wyse te reageer (met 'n paar uitsonderings). Dit is soms soos 'n gesprek (altyd 'n reaksie), ander kere word gedoen wat Yeshua aandui gedoen moes word, altyd in danksegging en met 'n dankbare hart. Een sleutel is dat almal onmiddellik as “een liggaam” reageer. Daar behoort gelet te word daarop dat een persoon in die groep *wat sy eie ding doen*, soos om te bid of om Yeshua 'n vraag te vra tydens “een liggaam”-stilte, verhoed dat die “een liggaam” Hom binnegaan.

Toe Yeshua begin het om vir die wagter die agenda te gee, kon ons ander ons gedagtes stil kry (sonder soek of doen), deur net te luister en te kyk. Dit het gehelp om die geraas in die geesteryk uit te skakel. Niks behoort gesê of gedoen te word behalwe in reaksie op Yeshua self nie, omdat ons op daardie stadium een is in Hom. Kan jou hand argumenteer of sy eie ding doen? Nee, dit doen wat jy of jou hoof besluit, sonder vrae.

Ek wil vir 'n oomblik terugkeer na die toneel van die wagter wat met die trappe van die Troon opstap om Yeshua se instruksies of boodskap te ontvang. In 'n byeenkoms het die wagter haarself die troon sien nader op dieselfde wyse en het onthou dat sy in beide gevalle ongeveer twaalf jaar oud was en daarvolgens geklee. Twaalf is die jaar waarin die oorgang plaasvind van kind tot volwassene. Dit maak sin **omdat ons Yeshua tydens 'n Goue byeenkoms moet gehoorsaam soos 'n kind sou, sonder om alles te moet verstaan.** Yeshua soek kinderlike gehoorsaamheid, nie interpretasies nie. Met dit wat sover gesê is, kyk wat Elohim in Grapeland gesê het op **1 April 2009:**

Grapeland TX Begin met stilte voor Yeshua, moenie aannames maak nie, moenie 'n beroering veroorsaak nie. (Dit het te make met Goue vergaderings.) Eerbied deur stilte. Ek sal vir julle sê wat gesê moet word, wanneer dit gesê moet word. Hierdie is vir almal. **EK IS** oppermagtig. **EK IS** in beheer. Dit is MY vergadering. Bygelowigheid = julle interpretasies. Soek MY. Dit is die eenvoudige gesproke waarheid. Eerbied in MY heiligdom. Waar is MY heiligdom (Allerheiligste)? Waar julle MY ontmoet. Julle sal MY Sabbatte hou en MY Heiligdom eerbiedig; **EK IS YHWH, Heilig, Heilig, Heilig, EK IS YHWH ALMAGTIG** (Hierdie woorde is ook opgeteken in **Lev. 19:30**)

Kyk wat het Yeshua hier gesê. Duidelik het ons nie dinge wat Yeshua openbaar het, ernstig genoeg opgeneem nie.

13 Maart 2009: Na 'n naggestig waarop ek my weg deur hierdie gedagtes probeer vind, het Yeshua weer met my gepraat en vir my gesê, "Wanneer Ek vir jou sê dit vereis stilte om in MY in te beweeg, is dit nie vir 'n groter doel nie? Wanneer Ek vir jou sê die grond is Heilig, trek uit jou skoene, is dit nie vir 'n groter doel nie? Wanneer ek sê julle moet ontslae raak van die drie hoofvlekke wat ek aan julle openbaar het om MY Koninkryksvergaderings binne te gaan, is dit nie vir 'n groter doel nie? As ek 'n Koninkryksvergadering van 'n duisend gehou het en almal MY Troon tegelykertyd nader, sal dit nie chaos tussen die mense afgee nie? Het Ek nie gesê, 'Ek soek orde in MY Gemeente nie?' Is dit (orde) nie vir 'n groter doel nie?" Ek het toe die gedagte gekry dat HY alle posisies aanstel **met 'n groter doel in gedagte** en in 'n koning se hof is daar sekere mense wat die koning aanstel, wat hom kan nader. Dit gaan alles oor orde tot 'n groter doel. Toe sê Yeshua, "Self het te doen met 'EK IS,' julle is nie die 'EK IS' nie, EK alleen is die 'EK IS'."


Ons gaan voort:

Yeshua het aanhou deel met ons rondom stilte en ons het gesnap dat ons dit steeds nie werklik reggekry het nie, naamlik hierdie “Een Liggaam”-stilte en gehoorsaamheid. Toe laat Yeshua vir ons die plek waar ons vergaderings gehou word in drie vertrekke opdeel. Ons het geweet dit was sodat ons ‘n paar “elemente” kon leer wat ons net nie gesnap het nie. Die vertrekke was die *Voorhof*, die *Heilige Plek* en die *Allerheiligste*. (L.W. *na die beginsels of elemente geleer is, kan al hierdie dinge in een vertrek gedoen word.*)

Deur die drie vertrekke van die tempel te gebruik het Elohim begin demonstreer. Hy het baie eenvoudig (simbolies) vir ons begin wys dat jy die *Reukofferaltaar* moes verbygaan om die *Allerheiligste* binne te gaan en sodoende in Yeshua in te beweeg. Die prent wat ek en jy moet verstaan is dit: **Ons moet hierdie soet reukwerk met stilte produseer om in Yeshua in te kan beweeg.** Dit is die enigste manier, sonder uitsondering.

Op **22 Oktober 2008**

Tydens ‘n visioen in die nag was dit openbaar dat stilte die soet welriekende wierook by die altaar produseer. Ek was in ‘n Quonset (‘n militêre hut) gevul met enkel stoele en ‘n paar mense. Vanuit die stilte binne die Quonset het soet wierook na



Elohim opgegaan deur ‘n lang opening in die dak. Ek het dit gesien van bo af, van die buitekant van die Quonset af. Die Quonset het simbolies ‘n militêre betekenis, wat te doen het met oorlogvoering.

Ek weet dat Elohim ons militêr gebruik het na ons in Hom bymekaargekom het, maar ek wil uitwys dat die vyand nie wil hê dat Elohim se kinders leer hoe om in Hom as ‘n Getroude Bruid te ontmoet nie. **Die intimiteit wat Yeshua met Sy mense wil hê is iets wat die vyand nie wil laat gebeur nie.** Hy sal op enige wyse probeer om die nodige stilte te stop om te keer dat soet reukwerk geproduseer word. Dit is ‘n geveg en dit verg inspanning en begrip van ons kant! **Die stilte rondom die Slag van Jerigo was ‘n hooftelement nodig vir oorwinning, beslis militêr.**

Onthou ook dat Yeshua vir my gevra het of ek vir drie ure stil kon wees, as dit belangrik was. Dit gaan alles oor Yeshua wat op die toneel verskyn en dit verg stilte. Het ons as 'n enkele, korporatiewe liggaam hierdie stilte behaal? Die antwoord is ja, maar Yeshua het ons tot daar gebring waar dit kon plaasvind.

Op **15 April 2009** tydens 'n **Koninkryks Regeringsbyeenkoms** het ons in die *Voorhof* bymekaargekom en ek het almal herinner dat ons aan stilte moes werk. Ek het gevra of daar enigiemand was wat gedink het hy/sy kon vir welke rede ook al nie daarop fokus nie. Na gebed, toe almal saamgestem het dat hulle gereed was, het hul in die *Allerheiligste* inbeweeg.

Ter verduideliking: Die Voorhof is die simboliese plek vir gebed en oorlogvoering vir enigiemand wat nie kan fokus nie. Probleme by die werk of tuis kan iemand se fokus versteur en dit sal die "offer van stilte" besoedel. Ek moet byvoeg dat die stilte een of ander opoffering van ons vereis, maar dat ons dit nie as 'n "opoffering van stilte" moet sien nie. Dit is 'n "offer van stilte", suiwer "een liggaam" stilte wat ons op Yeshua se altaar wil lê.

Ons het die area wat die *Heilige Plek* verteenwoordig binnegegaan. Vroeër het ek 'n visioen gehad van 'n groep in 'n ry langs mekaar voor 'n hout altaar. Ons het almal saam vorentoe geleun en 'n offer van stilte op die altaar gelê. Ek het geweet iets was aan die gang, maar het niks gesê nie, met die hoop dat almal gefokus sou bly. In die *Heilige Plek* het ons weer 'n nou sirkel gevorm, in stilte gestaan en gewag om te sien of Yeshua enigiets openbaar. Hierdie spesifieke stil tye was nie kort nie, aangesien ons dit wou reg doen.

Ons het toe die *Allerheiligste* inbeweeg en hierdie aand het ons 'n digte sirkel gevorm vir stilte as een liggaam, terwyl ons gewag het op Yeshua. Toe sien die wagter die woorde "**Gee die stilte offers.**" Die wagter het op die woorde reageer en vir Hom gesê dat ons 'n stil offer bring en het dit aan Hom gegee. Yeshua het gesê, "**Ek aanvaar.**" Natuurlik was ek opgewonde omdat ek geweet het dat ons die visioen vervul het rondom almal van ons wat 'n offer van stilte op Yeshua se altaar gelê het, maar ek het geweet ek moes niks op daardie tydstop sê nie.

Yeshua het voortgegaan in die byeenkoms, liefde aan ons betoon en iets in ons harte geplaas. Dit was nie 'n kort byeenkoms nie. Later tydens die byeenkoms het die wagter bewus geraak van 'n mantel en het daaroor gevra. (Hierdie is een voorbeeld daarvan om 'n vraag te mag vra wanneer ons in Hom is. Dit is toelaatbaar om 'n vraag te vra oor iets wat Yeshua openbaar of voortbring.)

Yeshua het 'n mantel openbaar, die wagter het daarvoor gevra en Hy het gesê: “**Ek gee vir julle MY mantel.**” Ja, Yeshua, ons dank U vir die warmte en beskerming daarvan; ons dank U vir die doel daarvan. (Ons almal het Hom saam gedank daarvoor.) HY het gesê: “**Dat ander mag sien en verstaan.**” HY het ook gesê: “**MOENIE DIT LIGTELIK OPNEEM NIE.**” (Ons stem gewoonlik korporatief saam deur te sê “Ja, Yeshua!” maar dit is nie altyd in ons notas nie. Ek het dit hier ingevoeg sodat jy die vollediger prent kan sien.)

Ek hoop dit gee vir jou 'n bietjie insig oor die korporatiewe reaksie wat nodig is (die meganika) vir die intimiteit wat Yeshua met Sy Bruid wil hê. Sonder hierdie tipe reaksies ly die intimiteit daaronder en die vloei word versteur. Grootliks bring ons reaksie Yeshua se daaropvolgende reaksie na ons terug.

As ons kyk na “**Ek gee vir julle MY mantel**” of “**Dat ander mag sien en verstaan**” of “**MOENIE DIT LIGTELIK OPNEEM NIE**” laat dit my met 'n hoop dat jy, die leser, 'n kykie ontvang het op hoe graag Yeshua wil hê dat ons almal Sy Getroude Bruid moet word en die intimiteit wat Hy met Haar wil hê.

Yeshua wil regtig liefde betoon aan Sy Gemeente, maar Hy kan nie, hoofsaaklik danksy haar toestand. Sy hoereer, deur haar eie ding op haar manier te doen. Hy is Heilig en Hy moet as sulks behandel word in 'n byeenkoms in Hom, met Hom as die hoof.

Tydens ons volgende **Bedieningsbyeenkoms** op **19 April 2009**, was Yeshua gevra: “Wat sê U? “**Geluk.**” “**Waarmee?**” “**Julle het geskiedenis gemaak.**” Enigiets anders hieroor? “**Hou aan verbeter.**”

Ek het geweet dat Yeshua vinnig was om ons aan te moedig oor die lê van die “Een Liggaam” stilte op Sy altaar. Na alles wat ons oor die jare deurgemaak het rondom stilte het ek geweet dat dit nog nooit as Sy Bruid gedoen is nie. Ek het verstaan waarom Yeshua gesê het dat ons geskiedenis gemaak het. Ons was baie bewus van die “**Hou aan verbeter,**” wetende dat dit te doen kan hê met die stilte of selfs ander elemente wat nodig is.

Om verwarring te vermy: Ons **Bedieningsvergaderings** is nie “in Hom” Bruidsvergaderings nie. Ons vra vrae aan Yeshua en bid vir mense, ens. Die “in Hom” Bruidsvergaderings is nou 'n kombinasie van ons ‘ou’ gebedsbyeenkoms en Oase. Yeshua het vir ons gesê om hul te kombineer en die vergaderings word na verwys as **Koninkryks-Regeringsvergaderings**.

Ons wend wel die elemente van Bruidskap en die intimiteitsbeginsels tydens ons **Bedieningsvergaderings** aan

waar ons kan. Dit gaan alles oor eerbied en die feit dat ons Koning Heilig is.

Ek hoop dat wat ek hier geskryf het almal help om sommige van die elemente van Blok 2 te verstaan, die blok wat vervul moet word om in die Bruid se kamer te mag bly vir die *Huweliksfees*. Dit is verstaanbaar dat daar voorvereistes is om die *Huweliksfees* by te woon, hetsy as 'n Bruid of 'n gas. Dit is alles as gevolg van Yeshua, Sy Heiligheid en die feit dat Hy die Koning is. Dit is hoekom die man in die gelykenis van die Huweliksfees uitgewerp is in opdrag van Elohim, want hy was nie korrek geklee nie.

Elohim openbaar: “Buitenste duisternis”

Plus: Die Koning se Vriend

Vanuit ons rekords: Op **5 Julie 2009**, in 'n bedieningsvergadering, het ons wagter 'n bruin deur sien oopgaan. Anderkant dit was 'n wit binnendeur.

Sy (die wagter) vra toe: “Wat van die binnendeur?” en sien dan die woord **‘verborge’**.

Sy vra: “Wat is agter dit?”

Yeshua antwoord: **“Geheimenisse.”**

Sy het gesien daar is 'n deur, 'n geheim, nog 'n deur, weer 'n geheim, nog 'n deur, nog 'n geheim, ens. Hoeveel? Sy weet nie.

Toe het sy gevra: “Is daar enige iets anders?”

“Eet van My brood,” was Sy antwoord.

Tydens 'n ander vergadering op 2 Augustus 2009, het ek gerapporteer dat Yeshua gesê het: **“Ek gaan julle iets leer wat die mens nie geweet het nie.”**

Ons het geweet ons kon dit wat Yeshua wou openbaar nie verhaas nie, maar ons het groot verwagting gekoester.

Dit is my hoop dat die getuienisse in hierdie artikel jou sal inspireer om oor te gaan tot die hou van Goue Vergaderings. Dit is sekerlik die moeite werd om aan te leer, maar mens moet praktiese ervaring hê om alles ten volle te verstaan en dit verg tyd om dit reg te leer doen.

Soos die leser weet uit die lees van vorige gedeeltes oor die Gelykenis van *die Bruilofsfees van die Lam*, het Yeshua die verskillende elemente van die gelykenis gedemonstreer.

Ons het hulle deurgetrap en leer verstaan sodat hul nou ook deel van ons is. Kortliks verstaan ons dat dié gelykenis 'n voorstelling is van 'n Koninkryksvergadering *met Yeshua wat die*

*vergadering deurgaans bestuur. Ons begryp dat daar baie meer gaste is as die getal mense waaruit die Bruid bestaan. Die Bruid is 'n liggaam wat baie nou saamgevoeg is as een persoon; die gaste nie. Ons besef die Bruid is intiem (diep persoonlike verhouding) met Yeshua, die gaste nie. Ons het leer verstaan wat korporatiewe intimiteit beteken, deur te *ondervind* wat Yeshua besig was om ons te leer.*

Yeshua het toe aan ons die gedeelte in die gelykenis begin leer – oor die uitwerp van iemand wat nie korrek aangetrek is nie. Die rekord van hierdie insident is in 'n prentjie in die Huweliksfees gelykenis, gedemonstreer: 'n gedeelte uit 'n *Passie vir My is Nie Genoeg Nie* artikel.

In daardie artikel openbaar ek dat Yeshua die verwydering van die onbehoorlik geklede persoon bevestig het op 'n spesiale manier, sodat ons verseker kon weet dat wat ons gedoen het, van Hom af was. Nadat ek besef het *hoekom* die persoon verwyder moes word, het ek gereken dit was die hele prent en het ek nooit eens daaraan gedink om te kyk na die volgende woorde in die skrifgedeelte nie: *werp hom in die buitenste duisternis. Daar sal geween wees en gekners van die tande.*

Mat 22:11-13 *En toe die koning ingaan om na die gaste te kyk, sien hy daar iemand wat nie 'n bruiufskleed aan het nie. En hy sê vir hom: Vriend, hoe het jy hier ingekom sonder 'n bruiufskleed aan? En hy kon geen woord sê nie. Toe sê die koning vir sy dienaars: Bind sy hande en voete, neem hom weg en werp hom in die buitenste duisternis. Daar sal geween wees en gekners van die tande.*

Soos wat Yeshua die verwydering van iemand soos in hierdie Skrifgedeelte met my opgeneem het, is ek daaraan herinner dat ek verstaan wat die '*gekners van die tande*' beteken, want ek het dit jare gelede self ondervind. Ek het op my tande gekners toe ek uiteindelik die waarheid moes aanvaar van wat YHWH my gewys het aangaande ewige redding.

Toe ek dit gedoen het, het ek in 'n flitsoomblik die waarheid oor al die onwaarhede gesien in die vals leerstellings van die mens. Ek het inderwaarheid fisies op my tande gekners. Die ergste was dat die waarheid so eenvoudig was, maar dat ek tevore geweier het om dit te aanvaar.

Nadat ek hieraan herinner was, het ek besef die onbehoorlik geklede persoon vir wie Yeshua laat verwyder het, het nie veroorsaak dat die persoon die ewige lewe verloor nie.

Hierdie persoon het slegs **geweier om vol te hou** om ontslae te wees van die drie vlekke. Ek het gedink aan wat hierdie persoon misgeloop het deur nie in die Vergaderings te wees nie en dus ook nie in die Lig van Yeshua nie. Toe het dit my getref: Die ‘buitenste duisternis’ was die gebrek aan die Lig van die vergadering. So eenvoudig! Ek het opgewonde geraak oor wat Yeshua besig was om te openbaar.

Ek het begin om mense wat al vir langer as ’n jaar Goue Vergaderings gehad het, uit te vra. Ek wou by hulle weet hoeveel meer Lig daar is in ’n Goue Vergadering as in die ander vergaderings wat hulle gewoonlik bygewoon het.

Ek het versoek dat die antwoorde tussen 0 en 100% bereken moes word. Dit was ’n fout. ’n Dame het laat weet ek beperk haar met 100%, want sy wou gesê het 1000% !

Dit was toe dat ek gesê het: “Yeshua, daar is geen Skrif vir al hierdie dinge nie.” Maar Hy het geantwoord: **“Ek is Lig!”**

Hierna het ek gedink: “Ek moes dit lankal kon gesien het, dit was heeltyd vlakvoor my.” Ek het toe ook besef dit is waarom ek soveel Lig vanuit die *Allerheiligste* gesien kom het toe Yeshua ons geleer het van vergadering in Hom. Wetende dat ons in Yeshua vergader, net soos die priesters dit in die tempel gedoen het en dat Hy Lig is, het ek begryp dat daar geen beperking op Lig is in ’n Goue Vergadering nie!



Hiermee het ek ook die gelykenis se boodskap aan ons oor die buitenste duisternis begryp: Dit is eenvoudig die afwesigheid van Lig! Die mense voorgestel as nie korrek geklee nie en uitgewerp, sal dieselfde deurmaak as wat ek het, knersend op hulle tande.

Hulle sal op hul tande kners wanneer hul die eenvoud aanskou van om korrek geklee te wees sonder die drie vlekke en dat hulle geweier het om dit te doen.

Onthou dat ek gesê het dat die kern van hierdie waarheid so eenvoudig was, maar dat ek dit geweier het.

Die gelykenis bevat ’n boodskap sodat ons dit kan regkry. Die buitenste duisternis handel nie oor hel toe gaan nie, dit gaan oor om geskei te wees van die Lig van Elohim (met al die ellendige gevolge daarvan)! Die Buitenste Duisternis is eenvoudig die afwesigheid van Goddelike Lig. Die gelykenis wys aan ons wat ons misloop deur nie *Koninkryksvergaderings* by te woon nie en nie ons Koning te laat heers nie.

Ek het hierdie artikel tot hier voltooi en aan my vrou gesê dat Elohim nie die skepper van verwarring is nie; dat die betekenis van *'buitenste duisternis'* dieselfde sal wees in die ander dele van die Bybel waar *'buitenste duisternis'* voorkom. Ek het my Bybelprogram vir *'buitenste duisternis'* deursoek en die volgende drie Skrifte het verskyn:

Mattheus 8:12 Maar die kinders van die koninkryk sal uitgedryf word in die buitenste duisternis. Daar sal geweene wees en gekners van die tande.

Mattheus 22:13 Toe sê die koning vir sy dienaars: Bind sy hande en voete, neem hom weg en werp hom in die buitenste duisternis. Daar sal geweene wees en gekners van die tande.

Mattheus 25:30 En werp die nuttelose dienskneg uit in die buitenste duisternis; daar sal geweene wees en gekners van die tande.

Toe, in die nag, het ek 'n toneel gesien van grys silhoeëtte van drie mans wat belig word. Lig het hulle deurstraal en aan my is gesê: *"Jy het openbaar wat verborge was vir die mens!"* Ek het wakker geword met die wete dat elke man van die drie, 'n voorstelling was van die drie Skrifte wat *'buitenste duisternis'* bevat. Elohim het 'n geheimenis bekendgemaak wat agter een van die deure was wat Hy op **5 Julie 2009** genoem het. Tydens 'n bedieningsvergadering, het ons wagter 'n bruin deur sien oopgaan. Anderkant dit was 'n wit binnendeur. Sy (die wagter) vra toe: "Wat van die binnendeur?" en sien dan die woord *'verborge'*. Sy vra: "Wat is agter dit?" Yeshua antwoord: *"Geheimenisse."*



Sy het gesien daar is 'n deur, 'n geheim, nog 'n deur, weer 'n geheim, nog 'n deur, nog 'n geheim, ens. Hoeveel? Sy weet nie. Toe het sy gevra: "Is daar enige iets anders?" *"Eet van My brood,"* was Sy antwoord.

So het Hy ook sy belofte aan ons van 2 Augustus 2009 nagekom toe Hy gesê het: *"Ek gaan julle iets leer waarvan die mens nie geweet het nie."*

Die koning se vriend

Ek het weer aan die slaap geraak nadat ek die droom van die drie beligte mans gehad het. Ek is toe 'n lang, redelik gedetailleerde droom gegee met 'n vriend van my daarin. Ek gaan nie die hele droom hier behandel nie a.g.v. sy lengte, maar ek sal dele daarvan wat belangrik is uitkies. Die droom is gegee sodat ons kan verstaan wat die Koning se vriend, wat nie korrek aangetrek was nie, verkeerd gedoen het om by die *bruilofsfees* uitgewerp te word in die buitenste duisternis.

Elohim het reeds in die vergadering gedeelte en die Bruilofsfees gedeelte openbaar dat iemand ontslae moet wees van die **drie hoof vlekke** om in die Goue Vergaderings of die Bruilofsfees vergadering as 'n gas toegelaat te word. Hierdie toneel in die nag gaan na die worteloorsaak waarom die Koning se vriend nie ontslae geraak het van die drie vlekke nie.

In die toneel was ek en my vriend besig om 'n land met sojabone te oes. Hy het sy eie dorsmasjien gehad en ek myne. Die opbrengs op die land was baie goed. Sojabone bevat olie, dus het ek uit ons vloekaart geweet die oes het te make gehad met die Heilige Gees en die *Rivier van Lewe* afkomstig van Elohim. Dus was ons simbolies besig om die 'sake van die Gees' te oes wat afkomstig was van die *Rivier van Lewe*. Ons het die Woord van Elohim met die *Rivier van Lewe* langs ontvang en Sy Woord is saad vir ons. Die saad kan opvoedkundig of leersaam wees. In die toneel ontlaai my vriend sy John Deere dorsmasjien op sy bakkie. Ek het oorgegaan na sy bakkie toe en gesien dat daar geen sojaboonsaad in sy vrag was nie, maar dat dit gevul was met ontwortelde onkruid. Hy het eintlik onkruid geoes. Ek het gaan kyk na sy dorsmasjien en gesien die siwwe is wyd oop, wat onkruidsaad deurlaat.

Die gelykenis van die Koring en die Onkruid openbaar dat die vyand kom en onkruid (-saad / gedagtes) saai saam met die goeie saad (gedagtes) wat Elohim in ons geplant het.

As gewese boer het ek self ondervind dat wanneer ons saad gesaai het, ons altyd 'n stryd gehad het met onkruid wat saam met gesaaides verskyn het.

Mattheus 13:24-26 'n Ander gelykenis het Hy hulle voorgehou en gesê: Die koninkryk van die hemele is soos 'n man wat goeie saad (gedagtes) in sy land gesaai het; maar terwyl die mense slaap, (onbewus daarvan dat dit die vyand is) het sy vyand gekom en onkruid onder die koring gesaai (gedagtes) en weggegaan. En toe die spruitjies opgeskiet en vrug gevorm het, toe verskyn die onkruid ook.

Om hierdie toneel op die vorige een toe te pas: my vriend het nie gedoen wat Elohim gesê het gedoen moet word m.b.t. wat afkom met die Rivier van Lewe nie. Wetende dat alles hier gaan oor die Koning se vriend in die Gelykenis van die Bruilofsfees, kan ons sien die vriend van die Koning het nie ontslae geraak van die drie vlekke soos Elohim openbaar het nie. Hy het in plaas daarvan geluister na die onkruidsgedagtes van die vyand van die mens. Miskien gedagtes soos: "Ek het nie tyd nie / Ek weet en ek het Elohim gehoor / Alles is in die haak / Alles sal regkom, ens. Hy mag ook toegelaat het dat die sorge van hierdie wêreld hom oorvat.

In die toneel het my vriend na 'n ander boerdery toe gegaan en ek het hom vergesel. Hy wou bone sny vir 'n ander boer wat familie was. Daar het ons die huis binnegegaan en my vriend wou 'n standbeeldagtige ding wat 'n sigaret vashou, hê. Dit het behoort aan 'n afgestorwe familielid. Die kans is goed dat hierdie beeldjie 'n afgod verteenwoordig. Ek weet nie, maar ons as mense klou blykbaar aan die wyse waarop ons dinge gedoen het. Dit kan 'n afgod wees, of 'n troeteldier. Wanneer iemand 'n Koninkryksvergadering bywoon terwyl Yeshua die Hoof is, kan dit egter nie die geval wees nie. Al wat ons moet doen, is om aandag te gee aan die grense wat Yeshua getrek het, sodat ons Hom kan vind.

In dieselfde toneel, toe ons onderweg was om die plaas te verlaat, het ek staan en kyk hoe my vriend sy bakkie vol onkruid verskuif. Sonder om te kyk het hy getru tot in 'n nat kol en dit het 'n rukkie geduur alvorens hy daar kon uit. Ek het hom gevra: "Waarom het jy dit gedoen?" "Omdat ek wou!" het hy geantwoord. Nou moes hy links draai om in die rylaan te kom. (Dit het beteken dat hy fisies korrek moes optree; links simboliseer die fisiese.) Maar weer eens, sonder om te kyk, ry my vriend reguit vorentoe tot in nog 'n modderkol.

Ek het hom gevra: "Waarom het jy dit gedoen?" "Omdat ek wou!" het hy geantwoord.

Onthou, Elohim het gesê drome is sinnebeelde. Wat is die boodskap hier? Dit is duidelik dat die Heilige Gees deur genoemde toneel openbaar dat die Koning se vriend in die gelykenis van die Bruilofsfees eenvoudig **gedoen het wat hy wou** en nie gedissiplineerd aangaande Yeshua geraak het nie. Hy het nie geleer dat Yeshua met ons praat nie, dat Hy ons lei na vlekloosheid nie. My vriend se gebrek aan kennis oor die stelling van die siwwe in die dorsmasjien openbaar dat hy onbewus was van die vyand se onkruid (gedagtes) wat aan hom en aan die hele liggaam van die Messias gegee is. Hy het duidelik nie geleer wat die onderste vlek is nie, naamlik die wyse waarop die Heilige Gees lei en leer.

Ek het dit tevore in 'n ander artikel genoem dat in 'n apostelsvergadering Yeshua die apostels '*vriende*' genoem het. Dit lei beslis tot die volledige prent. Yeshua **wil gaste hê** by sy Bruilofsfees. Gaste gaan egter in hierdie geval verder as om slegs vriende te wees.

Yeshua het meer lig op die *Gelykenis van die Bruilofsfees* gewerp deur meer te openbaar oor die **vriend van die Koning** en wat '*buitenste duisternis*' is.

Sekerlik is dit deel van die vervulling van Yeshua se stelling by:

Mattheus 10:26 Vrees hulle dan nie; want daar is niks bedek wat nie ontdek sal word nie, en verborge wat nie bekend sal word nie.

Take His Heart
www.takehisheart.com

Vertaal en Versprei deur:
www.komindielaer.co.za